


تازہ: ہر دے کول بھارتی، شفیع شوق سنکی افسانہ، مظفر مازم، فیاض دلبر سنکی غزل، دلیر، شہناز رشید سترہ نظم



30 نی

جلے-اگست 2012

یاتی کار: امین کامل

نیب 30 جلدے - اگست 2012

3 نیبہ دو

کہانی، افسانہ تہ کتھ
منی افسانہ / فلیش فکشن

4 ژوک موڈر

بکواس کاشمیری، دانا جوییا، شفیع شوق، فاروق مسعودی، علی شیدا، رحیم ریڈر، محمد رمضان، لطیف احمد کاظمی

یادداشت

7 امین کامل

ٹوٹکے ٹوٹکے زندگی
"زندگی ہند پریتھ دہہ بلکہ پریتھ ژوہ چھہ اکھ
ٹوٹکے۔ اتھ کن گرہتھ ہم کرہ تام ٹوٹکے چھہ
محض ہتہ بدیو ژونیو ٹوٹکو منزہ کیہنہ، ادہ۔یتھ
تھچہ آہ تہ تھ۔"

افسانہ

12 بردے کول بھارتی

جوٹھ گوو پادشاہ
یہ کہانی چھہ نہ علامہ اندر اندر وونہ آمڑ
بلکہ یوس کہانی چھہ سوے چھہ علامت
تہ یوس علامت چھہ سوے چھہ کہانی۔
یم زہ چیز چھہ نہ اکھ اکس نش الگ۔

18 شفیع شوق

شاہ صاب
اکھ اووڈ موضوع یتھ کردارن ہند مکالمہ تہ
عمل بیہ ساختہ پاٹھی گاشراوان چھہ۔

ترجمہ

23 ڈینا جوییا

زہ نظمہ
امریکہ کین فارملٹ شاعرن منز اکھ معتبر
ناویم ردیٹ، قافیہ، وزن بیتہ پندہ شاعری
منز ورماون چھہ۔



شاعری

16 مظفر عازم

جانانو ونی جانی غزل
ماہرانہ بیہ ساتنگی ہنز مثال، مرہیل تہ
شوخی غزل

25 فیاض دلبر

تربہ زلونی غزل
شاعر سندس ذہن تہ دلس منز چھہ اکھ دنیا
آبادیس نیہہ ژمٹھان چھہ تہ اندرہ جمارہ
لبان چھہ! ہنگہ تہ منگہ واٹن نہ لٹافن منز
نالہ مژ!

27 شہناز رشید

زون -- تربہ نظمہ
زون تہ بیہہ ژودا ہم زون! انسانن بیہہ
گوڈنچہ لہہ ہیور کن نظر تجرہ آہ، اتہ آسین
وچھہ زون۔ وولسنہ یتھ آسین ضرور زیو
آہ۔ اتھو خود کلامی وونکھ شعر۔

29 حیات عامر حسینی

ویتھ
کہانی ز تجرہ چ نظم یتھ منز تواریخ تہ فلسفہ کہ
حوالہ بدس کالس منز معنی ژھارنچ کوشش
چھہ۔ امہ چہ زبانی ہندی مقامی تہ علامتی
رنگ تہ آہنگ چھہ ٹاکارہ۔

35 نگہت صاحبہ

تربہ غزل
تو آواز تہ بسا تو قہ۔ پرائی سے دیا ژاچھہ؟
کنہ نوری سرحد کڈید؟ وچھو!

سائیت

37 منیب الرحمن

زندگی کنہ زند گیہ؟
گرام تہ تلفظ بیہہ پانواڑی ٹھولہ لگان
چھہ، زینہ کس؟ قاعدک جامد تصور
کنہ زندہ جاوید بول چال؟

نیب 30 جلیے-اگست 2012

بانی کار، سرپرست: امین کامل
مدیر: منیب الرحمن

www.neabinternational.org
editor@neabinternational.org

ISSN 2166-3157

نیب رسالہ چھہ گریٹر باسٹن ایریا،
ریاست ہائے متحدہ امریکہ پیٹھہ وریس
منز شیبہ لٹری شایع کرنہ یوان۔

خط و کتابت: نیبس منز چھپنہ خاطرہ
نگارشات تہ خط بیکن ایم ایس ورژ،
ان پیج، خالص سکین، یا بی ڈی
ایف چہ شکلہ منز ای میل کرنہ یتھ۔
نگارشات، خط و کتابت، خریداری تہ
اشتہار سوزنک پتہ چھہ:
editor@neabinternational.org

اہم نوٹ: نیبس گزھن نہ شایع

سپلڈمتی نگارشات سوزنی۔ نیب
چھہ، بزرگ ادیبین الگ، صرف غیر
مطبوعہ چیز چھاپان۔

دست برداری: نیبس منز چھپن والین
تخلیقاتن، مضمونن تہ خطن سیتی
چھہ نہ ادارک متفق آسن ضروری،
نہ چھپہ تمن اندر باونہ آمتین خیالن
بنز ادارس پیٹھہ کُنہ قسمج کانہہ ذمہ
داری۔

خریداری: ہندوستانس منز فی شمارہ
15 روپیہ، سالانہ بذریعہ ڈاک 150
روپیہ۔ عرب تہ یورپی ملکن منز سالانہ
36 ڈالر (ڈاک خرچ الگ)۔ تمن تمام
ملکن ہند خاطرہ یمن ہنز کرنسی ہند
نرخ ڈالرس مقابلہ سیٹھا کم چھہ، ییہ
مول الگ پاتھی مقرر کرنہ۔ رسالہ ییہ
ڈاک کہ ذریعہ صرف سالانہ خریدارن
سوزنہ۔

سرورق تہ ٹایپ: یمہ شمارکس

سرورقس پیٹھہ فوٹو چھہ وجہ کول
سنز اکہ پیٹھنگ ہند (اکریلیک 36x42
انچ؛ ملکیت وجہ کول)۔ نیب
ناوک ڈیزاین چھہ مرحوم غلام رسول
سنتوشن بنوومت۔ نیب چھہ گلمرگ،
نرقلم، جمیل نوری تہ رواج فائشن منز
ٹایپ کرنہ یوان۔

اشتہار: نیب رسالہ چھہ سرکاری، غیر
سرکاری، تجارتی، تنظیمی، تہ شخصی
اشتہارن ہند خاطرہ دستیاب۔

یہ پرچہ آو ایجوکیشنل پبلشنگ ہاوس
کہ ذریعہ دلہ چھاپنہ۔
© ساری حقوق چھہ محفوظ۔

Neab, a Kashmiri literary magazine, is published six times a year from Greater Boston Area, Massachusetts, USA, and printed in India at Educational Publishing House, Delhi.

نہیہ دو

افسانس متعلق کینہہ کتھ

یتھ اسی اردو کاشرس منز افسانہ ونان چھہ تته بندی پاٹھی
 کہانی ونن چھہ دلچسپ تکیاز اتھ منز چھہ افسانہ کس
 اکس اہم عنصرس کن اشارہ۔ یعنی افسانہ گڑھہ پزی پاٹھی اکہ
 واقعہک بیانہ آسن۔ قاری گڑھہ افسانہ چہ پریتھ عملہ، پریتھ
 موڈس پیٹھ یہ زانہ خاطرہ وتاولہ سپڈن ز امہ پتہ کیا گڑھہ۔ یہ
 تجسس چھہ کامیاب افسانک مقصد۔ افسانہ حقیقت نگاری
 پیٹھ مبنی آسن یا علامت نگاری ہنز مثال، گوڈنیک شرط
 چھہ میانہ خیالہ امیک اکھ کہانی آسن۔ افسانس منز آیہ تم
 کینہہ تجربہ ضرور کرنہ یمن منز کہانی بند عنصر گالہ خاطرہ
 واقعہچ فطری ترتیب مسخ کرنہ یا غیر فطری/شکستہ ترتیب
 پیٹھ زور دنہ آو، مگر یم رودی بہرحال تجربے تہ بیہہ چھہ نہ
 یم تجربہ پریتھ ووتھہ ونس افسانہ نگار سند خاطرہ ضروری۔
 یم تجربہ چھہ نہ عام قاری ستر دلچسپی زیادہ بروہہ تام پانس
 سیتی پکناتھہ بیکان۔ بیانہ، کہانی تہ پلائس درمیان چھہ نہ
 زیادہ فرق، تاہم بیکو اشارتا وُنتھ ز کہانی چھہہ واقعائن بند
 سلسلہ، پلائس یہنز ترتیب تہ بیانہ کلہم پاٹھی یہنز تعمیر یا
 ڈھانچہ۔ کہانی ہنز کتھ کُرتھ چھہ یمنے کن اشارہ۔
 یوتاہ افسانہ کہ خاطرہ کہانی لفظ دلچسپ چھہ، تیوتے چھہ
 کہانی بند خاطرہ اردو کاشرس منز ورتاونہ ینہ وول لفظ افسانہ
 تہ دلچسپ۔ اتھ منز چھہ افسانہ کس دویمس اہم عنصرس کن
 اشارہ۔ یعنی کہانی گڑھہ نہ واقعہک ہو بہو (یتھہ پاٹھی چھہ
 تہ تتھہ پاٹھی) بیانہ آسن ز یہ بنہ اکھ رپورٹ۔ اخبارن منز تہ
 چھہ اسی خبرہ یران یم سانی دلچسپی اندس تام پانس سیتی
 پکناون چھہہ۔ مگر یوت تام نہ کہانی منز کہانی کار سند
 تخییل شامل گڑھہ، یہ بنہ نہ افسانہ۔ پیکر، تمثیل، استعارہ،
 علامت یم ساری چھہ تخییلکی نتیجہ تہ نمونہ۔ کنہ ادبی صنفہ
 منز چھہ یمن بند دخل زیادہ کنہ منز کم یا بدل آیہ۔ مگر یہ
 تہ چھہ نہ ضروری ز کہانی منز گڑھہ یہند دخل لازمی طور
 آسن۔ کہانی کار سند تخییل بیکہ سیٹنگ، واقعہ، کردار،
 ڈایلاگ، کنہ تہ سطحس پیٹھ کہانی دلچسپ، فکر انگیز تہ
 غیر معمولی بناوتھہ۔
 کہانی تہ افسانس مقابلہ اگر کانہہ کاشر لفظ ژارون، ممکن

چہ «کتھ» لفظ ما روز زیادہ مناسب تہ موزون تکیازِ اتھ لفظس منز چہہ افسانہ کس تریمس اہم حالانکہ بحث طلب عنصرس کن اشارہ موجود۔ خبر اکہ کاشرِ افسانہ سومیرنہ بند ناو «کتھہ منز کتھہ» آسن ما چہہ اتھی کن اکہ اشارہ۔ حقیقت چہہ یہ ز افسانہ گڑھہ یرن ولس کتھہ منز کتھہ پلناؤن۔ اگر یہ صرف اکہ واقعہک بیانہ، دلچسپ سہی، بنہ مگر یرن ولس تام پلناؤ نہ کانہہ کتھہ، یہ بنہ اکہ عامیانہ، معمولی درجک افسانہ۔ افسانس منز موجود کتھہ یوس اکثر کردارن، حالاتن، ڈایلاگ بیترِ چہ کشمکشہ بند فطری نتیجہ آسان چہہ، چہہ خالص حظہ علاوہ امیک فکری جواز پیدہ کران۔ یہ چہہ افسانک ساروے کھوتہ مشکل تہ پرفریب عنصر۔ کتھہ گڑھہ نہ الگ پاٹھی مقصد، اشتہار، نصیحت بننی بلکہ گڑھہ افسانہ چہہ عملہ تہ کشمکشہ بند فطری نتیجہ آسن۔ یہہ کتھہ چہہ قاری سندِ خاطرہ افسانہ کس نقطہ انکشافس پیٹھہ نکتہ انکشاف بنان۔ یہ کتھہ چہہ، دویمین لفظن منز، لوکٹس بڈس پیمانس پیٹھہ زندگی بندین مختلف پہلوون منز معنہ مطلب ژہارنچ کوشش۔

فلش فکشن / منی افسانہ

حجم کہ لحاظہ ہیکو اسی افسانس تہ منی افسانس (یا فلش فکشن) درمیان فرق یتھہ پاٹھی کڑتھ ز بیتہ افسانہ ۱۵۰۰ لفظو پیٹھی آسان چہہ (زیادہ تر ۲۵۰۰ لفظن اندی پکھی) منی افسانہ چہہ عام طور ۱۰۰۰ لفظن اندر اندر آسان (زیادہ تر ۳۰۰ لفظن اندی پکھی)۔ اکثر منی افسانن بندی آغاز تہ اند چہہ اچانک آسان (مثلا اختر محی الدین سند افسانہ "اگرادی")، مگر افسانہ تہ منی افسانہ دوشونی منز چہہ آغاز، تصادم تہ اند آسن ضروری۔ چونکہ منی افسانس منز چہہ یم تریشوے حصہ نہایت مختصر لہذا گڑھہ امیک تصادم نسبتا سیٹھا توانا آسن۔ کُنہ تہ ادب پارس

منز چہہ توانایی بند بوڈ بارہ ذریعہ پانہ زبان آسان۔ یوتاہ یوتاہ زبانی بند اختصارکی ول ورتاونہ ین، تیوتاہ تیوتاہ بُر ادب پارچ توانایی۔ منی افسانہ لیکھن چہہ نہ آسان تکیازِ بعض اوقات ہیکہ یہ امہ اختصارہ کنی تہ یرن والی سندِ ردعمل کنی چٹکلکس سیٹھا نزدیک یتھہ۔ اختر محی الدین سندس پیٹھمس منی افسانس منز چہہ یہ احتمال موجود۔ منی افسانچ زبان گڑھہ مختصر تہ چست آسنی۔ کانہہ تہ غیر ضروری لفظ تہ جملہ یا تفصیل گڑھہ رد کرنہ ین۔ افسانہ لیکھتھہ گڑھہ یہ وجہن ز بہ کاتیا لفظ یا جملہ ہیککھہ یکسر ژٹٹھہ۔ مثلاً اسی نموکھہ اکہ افسانکی یم جملہ:

«تس چہہ باسان ز امہ ناولہ ہنز کہائی چہہ

تسنز زندگی سیتی تیوت واٹھ کھیوان ز گمان

چہس گڑھان ز ہمراز صاب ما چہہ تسندس

سرس واقف۔ مگر۔ (حالانکہ) تمن چہہ پانہ وانی

تیوتے تعلق یس اکس بیمارس ڈاکٹرس سیتی

آسان چہہ۔ وونی گورامہ ناولہ بند اکہ اکہ ورق

چہہ تس زنتہ پنی کہائی باسان۔»

یہ بیہ رحمی گڑھہ افسانہ نگار پانہ انجام دین۔ زبانی

بند یس تکرار پیٹھہ کنہ دور کرنہ آو سہ ہیکہ نہ

افسانس منز ویٹھہ، منی افسانچ چہہ نہ کتھہ۔

بہرحال، یہ مانتھہ ز منی افسانہ لیکھنس چہہ نہ کانہہ

برج، یہ گوڑھہ نہ افسانک بدل بنن۔ یتھہ پاٹھی افسانہ

بارسس یتھہ یہ ناولہ بند بدل بنیو نہ، منی افسانہ

تہ گوڑھہ افسانس لر لور پکن۔ مگر مسئلہ چہہ یہ ز

کاشرس منز زن چہہ افسانے ژھوکتھہ منی افسانہ

بنیوومت۔ نتیجہ چہہ یہ نوین افسانہ نگارن منز چہہ

نہ دون ڈاین میگزین صفحن علاوہ کانہہ افسانہ نظر

گڑھان۔ یا ونو یتھہ پاٹھی ز ازیک کاشر افسانہ چہہ نہ

۱۰۰۰ لفظو بیور کھسانے۔ کیا وجہ چہہ؟

ژوک مودر

تہ مژہ وانگن

بکواس کاشمیری

ڈینا جویبا

شفیع شوق

فاروق مسعودی

علی شنیدا

رحیم رببر

محمد رمضان

لطیف حسین کاظمی

ووٹھ کڈی زیو نہ۔ بہ آس واپس، نہ بلکہ سوزیس واپس۔ پانس چھو خطا۔ کمی خداین و نیووه نیب دبارہ کڈن! بوزم موادہ رنگی چھو معیارہ، مقدارہ کنی چورتہ گڑھان۔ پرواے مہ ٹرو بندہ چھہ حاضر۔ دوشوے شکایٹ کرکھ بہ دور۔ فی الحال چھپاوی تون غزلہ بنا۔
♦ بکواس کاشمیری، دلی

معلوماتی مضمون سوزنہ خاطرہ شکرہ۔ میہ چھہ کشیر تہ کاشر زبانی متعلق کینہہ زان، خاص کر از کلچ امچ پیچدہ تواریخ۔ رڑھ کھنڈ چھیم امہ کہ ادبچ تہ آغا شاہد علی سند ذریعہ خبر ییلہ بہ تس سمکھیوس۔ بہ چھس چانیو بلند حوصلہ منصوبو نش متاثر تہ بہ چھس پننہ مقدورہ مطابق کم کاسہ مدد کرنہ خاطرہ تیار۔ نیب چہ اکھ زہ کاپی سوزیم۔ بہ نمکھ تم یونیورسٹی آف ساوتھ کیلیفورنیا سیتی ییتہ بہ پرنواوان چھس۔ شاعری متعلق کلاسس منز چھہ اکھ زہ کاشری طالبعلم تہ آسان۔ بہ باوہ تمن چون میگزین۔ بہ چھس پانہ دوشویو طرفو دویمہ ملکہ پیٹھہ آمڑ فیملی سیتی تعلق تھاوان۔ بہ چھس فیملی، زبانی تہ لوکن سیتی چانہ وفاداری ہنز قدر کران۔ ♦ دانا جویبا، یونیورسٹی آف ساوتھ کیلیفورنیا

چون یہ حوصلہ چھہ ژکہ تمہ (نیب) رسالک حوصلہ یس پتمہ

صدی ہندین ستتھن منز انقلاب پرور اوس۔ کتہ آسپکھ کشیر منز فکر تری گز کمی چھہ۔ تتر چھہ ژہ ہوی پرخلوص انسان چاری تہ پھیاری نتہ «کشمیری دشمن» زانہ یوان۔ یس تہ پرنچ، نوو سوچنچ یا لیکھنچ کوشش چھہ کران، سہ چھہ تہندے کنی مغرب زد۔ تتر چھہ ییتے بوزن تہ ونن کیت ز کس کس عہدہ دیتکھ، کس کس انعام چھہ دین، کس کوتاہ تور یا تر تہ۔۔۔ لولو تائے ہاے۔ ونواس رٹتھ چھس بہ دعا کران ز نیب گوڑھ پزی کتہ نو دورک نیب آسن۔ ییتہ روزتھ چھس بہ صرف نظمہ لیکھان۔ اگر ونکھ کینہہ سوزے۔ «نیب سٹوری» چھس دل دتھ پیران۔ ♦ شفیع شوق، بنگلور

یاد کرنہ خاطرہ شکرہ۔ ایمانداری سان ونے میہ چھہ نہ پننس کاشرس تحریرس پیٹھ کانہہ فخر۔ لہذا کیا ز لیکھو تتر زبانی منز یوس گوڈے موردہ چھہ۔ یہ چھہ افسوسناک تہ دردناک، مگر اسہ سارنچہ چھہ حقیقتک چھہ لگن ضروری۔ ♦ فاروق مسعودی، سرینگر

نیب 28 تہ 29 ووت سولہ سولہ۔ از ووت نیب مرازس کھلہ ڈلہ تہ ریسپانس چھہ حوصلہ افزا۔ کامل صابن (سے میہ دلس کان) چھہ پانے پننن سوالن جواب۔

اسم کر رڑھروو پنن میراث ز ریڈیو کشمیر چہ لایریری منز روزیے سو ریکارڈنگ محفوظ۔ یہ چہہ پریٹھ کاشرس دلس کان۔ شوق صابنن نظمن چہیہ مضبوط بنیاد تہ حسب حال پزرس پیٹھ استادہ تہ شاعری منز نو انہارک باس بیتھ۔ یہ نویر چہہ تقلیدس لایق۔ شفق صابنہ غزلہ تہ چہیہ نو آہ، کامیاب تجرباتی مضبوط وستخوان بیتھ۔ نثار عظم صابن یہ شعر : «ماجہ بندے آلو بیتھ چہیم/ پتے لاراں سڑک» چہہ ژینون دوان ز غزل چہیہ نوی انہار تہ رنگ رٹان تہ امیک ینہ کال آسہ بیہ بن مشکدار۔ حاصل نیب چہہ سہ مضمون یس توہ عروض متعلق چہو لیوکھمت۔ صبر تہ محنت چہیہ پزی رتھ کھڑمڑ۔ یتھی ژانگی چہہ اسم سارنی درکار تہ اتھ پیٹھ مبارک۔ یتھی مضمون چہہ کم کاسہ دستیاب۔ میہ چہیہ لوکچارہ خضر مغربی سنز «باغ عروض» نظر گمڑ۔ از تہ چہیم لایریری منز موجود۔ میہ اوس پانہ تہ علم عروض ناوہ «ویرناگ» انت ناگ کالج میگزینس منز بحیثیت اڈیٹر اکھ زیوٹھ مضمون لیوکھمت تہ تمہ سیتی اسی تمہ وقتکی کاشری کیو اردو کالج نوجوان شاعر محظوظ گمتی۔ ناظر کولگامی صابن تہ لیچھ عروض پیٹھ اکھ کتاب۔ میہ نش چہیہ موجود۔ تہند مضمون چہہ نو جہت بیتھ تہ واریابن گنڈن چہہ واش نیران۔ یم قدم

چہہ مبارکس کن تہ وومید چہیہ ز حاجتمندان نیر حاجت۔ مگر تمن کیا بنہ یم پنن یہ فن بینن تام واتناؤن نقصان زانن تکیاز تم چہہ اتھ ذاتی کار مانان تہ اتھی ولتھ دوہ دوہ کڈان۔ اتھ مضمونس پیٹھ کرن مفصل کتھ تم یم پانہ مکمل آسن۔ پزر چہہ یہ ز نیب چہہ ازکل اکھ واحد ذریعہ یس کاشر زبانہ کنہ صحیح دشاہ کن پکناوان چہہ۔

اختلافن چہیہ دوہے گنجایش مگر کاروان گڑھ پکناوان روزن۔
 • علی شیدا، نجدہ ون، اسلام آباد

وری زہ ساس باہ کس جولے ریتس منز چہہ میانس افسانہ لیکھنہ کس سفرس برابر ترہ وری پورہ گڑھان۔ یہ اوس وری دویشتھ ییلہ ریڈیو کشمیر سرینگرہ پیٹھ میون گوڈنیک منی افسانہ «ژھائے» نشر گوو۔ یہ افسانہ کور بوزن والیو پسند تہ میہ میول برونہ پکنک حوصلہ۔ میانس اتھ حوصلس گوو تمہ ساتہ پختہ آسنک تصدیق ییلہ کاشر زبانی تہ ادبکی قداوار تہ علامت ساز شاعر، افسانہ نگار تہ نقاد حضرت امین کامل صابن اکس محفل افسانس منز میانس «بتا پانہ بہ کس گوس» افسانس پیٹھ پنن بے باک تبصرہ پور۔ کامل صابن دیت میہ افسانہ کس سفرس منز ینہ والین پڑاون بند پے۔ میہ چہیہ تمنے پڑاون بنز از تہ تلاش۔ نیب چہہ کاشر زبانی بندین

چہکراونہ آمتین ادین بند باپتھ اکھ سمن بل میہا کران۔ یہ چہہ کاشر زبانی پنن روومت مقام واپس حاصل کرناونس منز سنجیدہ کوشش کران۔ بہ ونہ بی ز نیب چہہ تعبیر تمہ خوابک یس کاشرین قلمکارن بتہ واد وریو پیٹھ جگرس منز للناوان ووت۔ • رحیم رہبر، پیٹھ کنہ بامہ، ماگام

چانیو مشورو مطابق

لیوکھ میہ یہ افسانہ دبارہ۔ کہانی بند عنصر تہ ہرروس تہ مکالمہ تہ ترووس منز۔ اگر وونی باسی یہ لو کینہ تہ رٹھن۔ میانی ذمہ داری موکلیہ، بلکہ پریٹھ تخلیق کار سنز ذمہ داری چہیہ تخلیق مکمل گڑھنس سیتی ختم گڑھان۔ تمہ پتہ چہیہ پرن والی سنز ذمہ داری اگر کانہ پرن وول چہہ۔ • محمد رمضان، سعودی عرب

منیب باہ، ژہ چہکھ پزی

پاٹھی کاشر زبانی بند خاطرہ اکھ زیر کام کران، کم از کم تہ زبانی برونہ پکناوان یتھ متعلق نہ کاشری تہ سنجیدہ چہہ۔ • لطیف حسین کاظمی، علی گڈہ

ٽوڪه ٽوڪه زندگي

امين كامل

ميه اوس لوڪچارس منز سينه وزان ته نسته گنڌ۔ وندس منز اوس اڪثر
 دوهه وادن پتج لاران۔ ييله ته پيمه ها اڪس گنڌتھه حڪيمه سند گنزابان
 سپستان "علاج اوسم سپدان۔ امي سندنچو بينو وپته اسه آشنا وپته۔
 تپاري اوس امي خاندانڪ عمه حڪيم ماننه زاننه يوان۔ علاج اوس نفيس
 کران مگر وچاڙي آيه۔ دوهه اڪه ووئس ميانن مالن۔ «به آس سخ پسره، وچھه ها
 چون علاج ماگره هيس سيؤد۔»
 سه ووٽھس۔ «ڙه چھڪھه ڪھوڙه بڏه۔ يه به ونه ته کرڪھه نه۔ ونه ڪيائز
 راوراوه!»

اور يورمايه بهر دونڪھه دونڪھا ڪرته ديت تمی علاج ته لوگم کرن۔ يه اوس
 ونده ته علاج اوس سجائے نندر وٽھتھه سرد آبه سران، پته ليفه اندر
 (۔۔۔ يه لفظ ووٽھم نه۔ منيب) ڪانگريو سیتی وشناون۔ پته پھلڪه هن
 جان پاڻھي تھني مھتھه چايه سیتی۔ پيشن باگي بتس سیتی۔ سني رڙھا، اده يه
 آسه ته، بييه زامت دود۔ دگرس ته شانسن ته امي ڙوله پکن۔ ڪھوڙي
 ڪھوڙي سسي، ترين دوهن کورهم بي۔ ڙورمه دوهه يام نندر ووٽھس ميه
 اوس نه ڪڙوته پھوران، سانس بوقچه ته نسته شرڪ۔ مالي تلس ته واتوونس
 عمه حڪيمس نش ته ووئس۔ «کيا سا وچاڙيا پوو تھمنه نچو۔»
 تمی ووئس۔ «تلھه سامه ڪھوڙ۔ يه چھيه بلنج علامت۔ کران روزس بييه
 ترين دوهن بي۔»

اده پڙي ڪڙي گوم پونزومه دوهه سينه ته يله، نسته ڙولم شرڪ، ته شمه ته
 لوتوم۔

کینر کالی پیوومیہ برومنہ کن پر نہ خاطرہ گام تراوتھ اننت ناگ
گرہن۔ تہہ صحتس منز روزنہ کہ خیالہ نیونس بہ مالی تہہ کس
مشور حکیم حافظ صائب نش علاجہ بلتہ۔ میانس مائس سیتی
زان پچھان کرنہ پتہ ووننس۔ «میہ حض نداین کورنگی برکتہ
کر مرث، مگر نیچوی سند تھوونم امارے۔ کرو نامیہ پیٹھ بڈ مہربانی یہ
لڑکھ دیون میہ۔»

میانی مالو کرس پنزی لاچاری ظاہر۔ پریتھ لٹہ بیلہ تہہ تس نش
گرہ ہو، سہ اوس پننہ اتھی دراڑ لڑکھ دوان۔ ہر گاہ میانی مالو تسند
مومت آسہ ہے، بہ آسماز حکیم حاذق امین صائب۔۔ اس
نش تھچھووتھنہ موکھ نیونس بہ اتہ کس مثن ہسپتال مس
گومری ہند علاج کرنہ۔ سو اس صحابے اکس بڈس کمرس اندر
بیجان سومبرتھ، انگریزی لئیہ گیوان تہہ پانس سیتی سیتی تمن تہہ
گیوانوان:

«زندہ چھہ میانی خاطرہ زندہ چھہ چانی خاطرہ»

بیجان آسیم باتھ زیو پیتس پیٹھ۔ تمہ کور میہ علاج بڈہ لڑکھ
سان۔ سیتی وونن میانس مائس۔ «ژہ دن یہ لڑکھ میہ۔ بہ
بناون ڈاکٹر۔»

میون مول ژجاو حافظ صائب نش تہہ پھسیووس گومری نش۔
امہ اس اکھ گجری کور شاپا تہہ ازی مرث۔ شاید عیساے تہہ تھہ سیتی
ڈاکٹر بناونہ خاطرہ۔۔ ہر گاہ میانی مالو مس گومری ہند مومت
آسہ ہے، بہ آسہ ہاز ڈاکٹر امین انگریزی چالہ گیوان۔۔ «زندہ
چھہ چانی خاطرہ۔»

میانس مائس اوس اکوے امارز میون نیچو گوڑھ بی اے کرن مگر
تہہ وچھچ ڈٹس نہ قدرتن مہل۔ گمانہ اوس چکداری منز چھہ
اگنہ ژوگن فصل یوان تہہ اوذقہ خوش گذرانہ پاٹھی چلان۔ تہہ ما
اس خبر اکھ دوہنہ آیم امہ چکداری نش شمرین اتھہ چھلن۔
بہر حال بہ نہ بنیوس حکیم نہ ڈاکٹر۔ بہ رودس ادبی ٹینٹھ تھووتھ
اکھ قلم کار۔۔۔ بتس تہہ زاپھہ تہہ وتن تہہ شاپھ۔

سسہ شخصص، یہ فوٹو

علی گڈھہ دیکھ میہ سر سید ہالس اندر کمرہ۔ اتہ آسی تیلہ کالہ پریتھ
کمرس منز ژور لڑکھ روزان۔ کمرہ کس برو نٹھمس حصس اندر تریہ
لڑکھ تہہ اندر کن الگ ہیو کڈتھ سینیر لڑکھ سند خاطرہ کمرہ۔

میانس کمرس منز اوس اکھ بہارک احمد حسین رضوی، دویم
بنگالک محمد منصور تہہ ژورم کس تام سینیر لڑکھ یس سیتی اسہ
کانہہ لیف لاف اوس نہ۔ منصور اوس قدہ ژھوٹ، جسمہ
کو اکھ مگر سیٹھا کھوڈہ پینجل۔ تہہ زن گواومی انی بازہ پرزہ ورزہ ملی تہہ
بنون فریمہ روس ریڈیو۔ میہ وچھ گوڈنچہ لٹہ اتی تہہ یوہے ریڈیو۔
کشیر آسی نہ ونہ ریڈیو آمتی۔ احمد حسین اوس بحری اندر ملازم۔
اور اوس تہہ رخصت بیتھ بی اے کرنہ آمت۔ یہ اوس پرؤن،
خوش شکل تہہ قداوار۔

اکھ دوہنہ دراویہ شانس ژیری کمرہ منزہ تہہ دون گائناگرہ تھہ آو
واپس۔ خیر آسہ ہے کُنہ، میہ سوچ۔ مگر امی بیوت برابر امی

وقتہ پریتھ دوہہ تیتھے کنی نیزن تہ یُن۔ کتیو او سکھ، تھ گے اگھ
 جواب وان تہ گے بیاگھ۔ آخر در اس کھوڈہ پینچل منصور ژورمہ
 دوہہ راسہ راسہ پتہ پتہ۔ امی وچھ یہ ہالہ نیبر ڈگی ہاوس نکھہ
 اکس اوک پور مکانہ چہ دار اتھہ پلناؤتھ کتابہ تارو منزہ اکہ اندرہ
 نون کاغذ پرچہ کڈان تہ اند کن گڑھتھہ پران۔ اسہ زون یہ چھہ
 عشقہ زالس لاگمت۔ اسہ کڑوے۔ اس انواتھ ٹھونٹھ۔ یہ
 چھایور نوکری تراوتھہ پر نہ آمت کنہ عشق کرنہ۔
 منصور زانہ ہے نہ اردو لیکھن پرن۔ میہ لیوگھ پرچہ یہ سوچنہ
 وراپی زمیون یہ بدل دتھ نا و زنا و کور کا نمہ شک۔ بہر حال
 اسی درایہ اس برونہہ پہن تہ میہ تھوویہ دار پیٹھ کتابن تارن
 اندر اکس منزہ۔ یہ دراو حسب عادت مگر اورہ پھیور دل ملول تہ
 پریشان ہیو واپس۔ اسہ وولس پر ژھس نہ کینہہ۔ دویمہ دوہہ
 درایہ اسی بیہیہ کاغذ پرچہ بیتھ تہ تیتھے میہ یہ دار پیٹھ کتابن اندر
 تھاونہ خاطرہ اتھہ پلنو، دروازہ کنی آہہ جوان جو راہ ددرایہ نیرتھ
 میہ رٹنہ۔ بہ ژولس مگر یو تراویم اچھن نارچہ، میہ گلو دگوش تہ
 پیوس پتھر۔ یور وٹس تہ ژونہس مکانس اندر۔
 تھی ہیکو میانہ حالہ ہند اندازہ کڑتھ۔ بہ پیوس تریشہ۔ جسمس
 اسم تھتھراے۔ یور وٹس بہ بیٹھکھ اندر۔ اتہ اوس صحب چالہ
 اگھ معتبر شخص بہت۔ امی ہوونم کرسی کن۔ «بیٹھو ادھر» تہ
 یمن دوہن۔ «پانی پلاو» میہ دوپ خبر کیا دنم پون۔ کری مو
 پنی اتھہ پھری مو! یوانی گلاس منز تریش تہ میہ چیدیہ۔ امی
 پر ژھم اکر سے شس منز کس چھکھ، کتیک چھکھ، کیا چھکھ پران،

کٹھ ہو سٹلس چھکھ روزان۔ میہ اوس زیو لجنہ گو مت۔ نو شک
 لفظو دیتس جواب۔ اتھی منز ژاواکھ لڑکھ اندر تہ دچھنی کھوری
 وچھنہ وراے کر نم نالس تھچھہ تہ نیونس تھوڈ تلنتھ۔ معتبر شخشن
 کورس غرار۔ «نہیں» تہ سہ دراو لوتی واپس۔
 تام ژایہ احمد حسین تہ منصور اندر۔ دراصل منصور ژونچہ
 دوریومت تہ اس وونمت سہ ہاروٹکھ۔ سانی شیطانی ژوے تہ
 آسہ ہنس لازما و نمژ۔ احمد حسین کر وودنہ وودنی سلام۔ «جناب
 اس کو چھوڑ دیجے۔ اس کا کوئی قصور نہیں۔ گنہگار میں
 ہوں۔ جو سزا دینی ہے مجھے دیجے۔» صحب گوروز تھہ۔
 «کل صبح میں حاضر ہو جاؤنگا۔ اس وقت جانے دیجے۔»
 امی سندس جوابس پرانہ وراپی تلنس بہ تھوڈ تہ درایہ کمرہ
 منزہ۔
 صحیح سلی، سانہ ووتھنہ بروٹھے، اوس یہ کمرہ منزہ
 درامت۔ پتہ ییلہ آویہ اوس خوش دہانہ۔ اسہ زون معاملہ
 چھن رفع دفع کورمت۔ مگر امی ہیوت بستر گنڈن تہ وونن
 «مجھے یونیورسٹی سے رنجیٹ کر دیا گیا۔» امہ پتہ کورن میہ
 اسان اسان نالہ موت۔ «یار زندگی میں ایسی باتیں ہوتی
 رہتی ہیں۔» بہ تہ منصور اسی شرکان تہ یہ اوس اسہ دلا سہ
 دوان۔
 ٹکٹ وکٹ کڈتھ تیتھے ریل درایہ، امی پلنو و میہ پنن پاسپورٹ
 سائز فوٹو۔ اچھن آس اوٹس تہ وونم۔
 «اپنے پاس رکھنا۔»

جوان جاہلی تہ بے

چلے کلان اوس۔ اسمان اوس چارتھ۔ میہ پیو و شپین پیٹھ
سرینگر گزہن۔ ضروری کام آسم۔ شہرہ ڈوکیوس عبدالعزیز
بارونس نشہ راتس۔ گروا جنہ اوس و تھ گومت راتھ ہے لگیم
پرواے بری زنہ۔ شامس باکو کھیہ اسمان بیہ ہن لر۔ ولہ
پاٹھی چوزن تھ تہ تر ڈھٹھ پھرنس۔

صبحن کر میہ جلدی تہ دراس اڈس پیٹھ۔ یتھ تھ آہ کر تھام
سوار۔ اٹھ پلوامہ چہ تہ ژور شپین چہ۔ داہ بکے ہیور درایہ بس۔
وتہ وتہ روزہ سوار تر منزیڈیل پکنہ بجایہ ژور ژور پانزہ پانزہ
میل منزلن و اتھ کھسان تہ وسان۔ تر تہ ژھٹھ اُس رٹھ رٹھ
تیزان۔ اتھی منز ہیونٹس شنہ مؤہا مؤہا بیژن تہ وچھان وچھان
لوگ زور زور و سندنہ۔ پلووم واتان واتان گوو سوڑے شینے شین۔
بسہ والی کور برونہ پکنس انکار۔ دوپن ہر گاہ بہ شپین گزہہ، تہ
گزہہ بہ خبر کا تھن دوہن بند۔ پلوامہ چہ سوار وژہ تہ گئیہ کرن۔
ڈرا یورن پھیر گاڑ موڈ تہ دوپن ہر گاہ کانہہ واپسے شہریو، پکو، بہ
ہیموونہ کانہہ کرایہ۔ اکھ سواری گئیہ واپس۔ سو آسہ بے شہرچ
کنہ کامہ شپین گزہان۔ باقی دو یو سوار یو وون وونی کوٹ واتو،
بہتر روز بیٹی کُنہ اورہ یور راتھ گساوئی۔ صبحس وچھو، کینہ نہ کینہ
سبیل نیری۔ بہ گوس وچھنہ نانگہ وانگہ مانیر کانہہ۔ سہ کیتھ
تہ کٹیک۔ آخر ہیو تھم خدایہ سنداوتہ دتم شپین کن پڈر۔ وق
اوس ژور بکے پیٹھی پھن۔

میہ ہیوت شین مانڈان مانڈان پکن۔ یوتاہ برونہ برونہ پکان
پکان گوس تیوتاہ ہیوتن شین تہ تھو سیو تھو سیو و سُن۔ رٹھ
رٹھ سمیو تیوت ز قدم ہیوتن گوتھ ووتھن۔ ژور ژور منڈہ پتہ
چھاتس شین دنی دنی ہیون نم ز لوسنہ۔ اور کوٹ تہ، یس لاگتھ
اوسم، لوگم آہے آب گزہتھ گوبنہ۔

یوت تام دہلی گاش رود کاڈی تہ رودم ڈنجہ۔ یام سہ ژھیو
میہ ہیوت ویسزن۔ کانہہ تہ سودا یوداروزم نہ کوتاہ پوکس (تہ
کوتاہ چھم مزید پکن *)۔ یوت گتھ ہران گئیہ بہ اوس چھرا شنہ
گاش جوان جاہل کھورتلان تہ تراوان، کور تہ کپاری تمیک نہ
بالکل کانہہ احساس۔ اتھی بے خبری اندر آومیہ کدل لبندہ۔
خوشی سیتی پھیورس عیہہ تہ ساری سے پانس گوم پکتہ پکتہ۔ بہ
اوس سنگل کدلس پیٹھ وومت، یس ویشوہ دریاوس شپین نکھہ
چھہ۔

یتھے بہ کدلس اپور تورس میہ کھر شخ کاف۔ دری تھے ہیوکس
نہ۔ بہ یو ٹھس پتھر۔ تام آہ اورہ تراکھ تراکھ سوار تارہ۔ میہ نشہ
واتھ رکیہ۔ یو وونی رووس بہ شینہ گاش تل۔ «بے وکیل
صائب، ژہ کور حض و نکین؟ وولو وولو کھسو گرس۔» یہ اوس
شپین قصبک ڈالدار حسن ملک۔ اگر سوارن کھورس تھپھ وچھ
کرتھ، پانس پتھ کز گرس تہ ڈالدار سندس و نٹس پیٹھ تروونس تار
گرس نشہ۔

دروازس کورم ٹھک ٹھک۔ گروا جلیزی وژھ پیٹھی کز وچھنہ۔
میہ وچھتھ وژھ تہ نیونس اندر۔ میون چھاتہ اوس مو کلیومت،

تیلہ کیا ترہم۔ توپتہ آواز ہند خود چھ نہ زبان زانک آویزہ۔
کاتیاہم لہ بوزم ریڈیو پیٹھ اکھ بیاکھ بڈہ گجر سارنہ پیٹھ پننی لوکہ باتھ
گیوان، مگر سہ جودتہ سہ سرود کجا۔

دویم آواز چھہ اکس سحر خان سنز۔ بہ اوس بسنٹ باغ
روزان۔ ماہ صیام اوس۔ دریاوہ اپار اوس کس تام جنتی سحر
خان للہ تہ نندہ ریشی شرک گیوان تہ منزی آو دوان۔۔ وقتہ
سحر! کاتیا سحر چان بوزم، کاتیا باسازتہ بے ساز۔ للہ تہ نندہ
ریش گیوان وچھم مگر سہ آسمانی رونہ ہوٹ، سودلس تہ شلس
شملتہ پاوان و اجنر آواز۔۔ اللہ اللہ!
خدا کری نکھ دوشونی تورک عالم رت!

میون اور کوٹ اوس بخنہ دتھ بیومت۔ تھ وڑھ کڈان کڈانی
چھلہ۔ گرواجنہ بدلانوم پلو تہ تھوونس بسترس منز۔ ربر بوتل
تہ کانگر جوراہ تھاونم وشنیر پھیرنہ موکھ تہ ٹڑ چاے چوونس
یوت تام وارہ وارہ ہوش پھیورم۔ یہ متیمیم۔ «تھہ کنہ چھاپان
بلاکتس منز تراوان۔ یوت کیا اوسے روومت؟»
«ڑہ!» میہ وونس اسونہ دہانہ۔

* میانہ لفظ۔ اتہ نکہ لفظ بیوکس نہ پڑتھ۔ (منیب)

تم زنی، تم ہٹی

یتھ کتھہ اندر چھہ نہ مباغ شینکھ تہ۔ شیتن ڈیرن ہنز زندگی اندر
شہرہ گام کاتیا کشیر ہندی گیون والر وچھم تہ بوزم، کینہہ دیدمانہ تہ
کینہہ ریڈیو تہ ٹی وی پیٹھ۔ مگر دون شخصن ہش پیٹھ مدر تہ پرائر
آواز (ہوٹ) گیم نہ از تام کتھ تہ کنن۔
گوڈنچ آواز، اکس گینر گینہ بڈہ گجر سز۔ گجر چھہ ونہ تہ
پتھ کھور، تیلہ کالہ اس نہ کتھ۔ اہند افلا سکی بارو اسی اہند
بسیومت بتھ تہ ریگالہ پلو دوان۔ واقعہ سپدیہ زاسی اسی گوڈنچ
لہ کوثرناگ وچھنہ گامی۔ تورہ پھیرتھ چلیہ کونگہ وٹنہ غلام ڈار
سندس کوٹھس منز دگرچ چاے۔ یہ اوس ناسنور گامک روزن
وول۔ اتہ اوس گجرین ہند خاطرہ وانی وان تر وومت۔ نفیس
آمدن اس۔ اتہ اوس امہ وز جوتھہ ریش کر تھ اکھ بڈہ گجر سارن
وایان تہ پننی لکھ باتھ گیوان۔ یہ زبان چھہ نہ میہ از فکر تران

جوٹھ گلوپادشاہ

بردے کول بھارتی

اکہ دوہہ آودیس ہنگہ منگہ خیال زاسنس گلوواریاہ کال۔ دیس چھہ
پانس اُن خوش کران، اوہ کز گوس ہناتشویس ہیو۔ ہنا کورن سو نچ تہ
بنوون انسان۔ ادہ سہ دوہہ تہ یہ دوہہ۔ تنہ ووتس برابر اسان۔ ییلہ تہ
ہناتھکھ چھس گرہان، ہیرہ پیٹھے چھہ بون زمینہ پیٹھ نظر تراوان۔ کینہہ
نتہ کینہہ چھہ اُن لایق ضرور چلان آسان۔ نیلہ چھیس گرہان اسی
اسی۔ پانس چھہ پانے متھہ متھہ دوان زانسان دتھہ کیا چیز چھم تخلیق
کورمت۔

یمنے تخلیقاتن مندر او اکھا، یس دپان اکبر۔ اکبر دتھہ گلو مغل۔

یہ دپز تہ مغل اعظم۔ دپان چھہ نا مغل ڈیشٹھہ گرہہ فارسی پھورن۔ یہ
اوس تموے منزہ اکھ یس ڈیشٹھہ فارسی پھوران اوس نہ۔ وول گلو آسان
کانہہ ہیر بلا یس پھوران چھہ تہ یوہے چھہ حقیقتا راج تہ کران، مگر سو
دلیل چھہیہ وکھرہ۔

یتھہ پاٹھو دیس اکہ دوہہ ہنگہ منگہ خیال آو، بالکل تھہ پاٹھو آواکھ دوہہ
مغل اعظم تہ اچانک خیال تہ پرژھن ہیر بلس۔ «ہیر بل، دپان، جوٹھ
گلوپادشاہ!»

ہیر بلن بوز تہ دیتن کنہ ڈول۔ جواب اُس پے، پوز معاملہ اوس ہنا
نوزک پہن اوہ کز زونن گلے ڈیول لاگئے جان۔ کتھہ ڈالتھہ ووتھس۔
«جہاں پناہ میہ زن باسان یہ تان سین چھہ وونڈیہ سورگیوان۔ کروس
نا وظیفہ بند؟»

کتھہ بوز تھہ آوستہ اسمانہ دیس ٹھاہ ٹھاہ کران اُن۔ پوز دیہ سند اُن،
صرف بوز دوتا، تہ مغل اعظم نہ کینہہ۔ معمولی راجاؤہہ تہ چھہ ترکہ
انسان تہ مغل اعظم سبز چھہیہ نہ کتھہ۔ تس تور فکر ز ہیر بل چھہ کتھہ

ڈالان۔ تس رود کانہ تل تہ ہنابتہ ترکر کر تھ ووتھس: «بیر بل
 تہ چھکھ کتھ ڈالان تہ یہ چھ نہ شاہی آداب۔»

بیر بلن ژھن مغل اعظم سند موڈ وچھتھ کلہ یون مگر مغل
 اعظمن پھیر پن سوال دبارہ۔ «بیر بل دیان جوٹھ گلو پادشاہ؟»
 «جناب گلو ہے تہ تھتھ چھا کینہہ شک ز۔» بیر بلن ژول
 بلکہ نیر تھ کینہہ زوہ لرزہ تہ کینہہ نوکری ہند امارہ۔

«اچھا؟» اکبرن کر بیر بل سندس جوابس پیٹھ حیرانی ظاہر۔
 «بیلہ جوٹھ پادشاہ گلو تیلہ کم چھہ اسی، مغل اعظم کس چھہ،
 کیا چھہ تیلہ؟»

«حضور توہی تہ چھو پادشاہ ہے۔ تاجدار ہند۔» بیر بلن کر
 نار ژھیور اونچ کوش۔

«تہ کتھہ پاٹھی بنہ؟» اکبرن کور بیہ سوال تہ ہیر آوستہ
 آسمانہ دیس بیہ ٹھاہ ٹھاہ کران اُن۔ سہ اوسا بیر بل سز بے
 بسی پیٹھ اسان کنہ اکبر سز یوقنی پیٹھ، کنہ دوشو پیٹھ، اتھ متعلق
 وثیقہ ون چھہ نامکن۔ دیہ سند اُن، دینی ہیکہ جواب دتھ!

امہ پتہ کر بیر بلن پنز گردن تہ نوکری بچاوی بچاوی تہ شاہی
 آدابن ہندس تد برس اندر اندر روز تھ وٹھ تلٹھ تس یہ سمجھاونچ
 پورہ پورہ کوش ز جوٹھ کتھہ پاٹھی گلو پادشاہ، تہ بیہ یہ ز جوٹھس
 تہ مغلس چھہ نہ پانوانی کانہہ تضاد۔ پوز مغل اعظم! شکھ گڑھہ
 نہ گجائیش روزنی۔ تس یوت تام نہ وثیقہ ثبوت آسہ ہے توت
 تام مانہ ہے سہ۔ کافی خوشکیتھ کھسنہ پتہ کر بیر بلن ہارتھ
 ژھوپہ تہ مغل اعظم ووتھس ہنابتہ سختی سان۔ «بیر بل ہفتچ چھہ

مملت۔ ہفتس اندر اندر پڑ تہ میہ سوالک ٹھوس جواب بیتھ
 دربارس منز ز اگر جوٹھ پادشاہ گلو تیلہ کم چھہ اسی؟»
 مغل اعظم سند علم بوز تھہ آوستہ آسمانہ دیس ٹھاہ ٹھاہ کران
 اُن۔ نیلہ گئیس اسان اسان۔ مگر بونہ گئیہ بیر بلن فرمان بوز تھہ
 گلہ زیو تہ نشان نشان در او کورنش بجائو تھہ گرہ کن۔

تراوی تون یہ سوچس سیتی۔ پیاری آوستہ آسمانہ دیس بیہ
 اپانک خیال۔ دے گلو دینی۔ مشتھ چھس نہ کینہہ گرہان۔
 سو نچا کورن۔ دوپن «ہتا یہ انسان بچارہ یوت چھم اسناوان۔
 سورے تھکن تہ سارے تلخی تہ کر تچھر چھم مشراوان۔ اسنز
 یہ صلاحیت پز تسلیم کرنی۔ کینہہ حوصلہ افزایا پز اس کرنی۔»
 دیہ سز دیہ کتھ۔ تسند خیال یٹے یوت ز زبردست اہتمام سپہ۔
 اتھ منز سپد انسانس فرمان جاری ز اشرف المخلوقات چھکھ!

پوز رکہ انسان دین پنہ اسنہ خاطرہ بنوومت۔ ہیہ سبب تتان تہ
 زیری تہ تران تہ زیری۔ میوند کھنڈ گوس زیادہ پھٹس یوان۔
 اشرف المخلوقات آسچ سند وچھتھ زن آس مژر۔ مونین ٹھون
 نہ میڑ کتہ۔ گرا دوپن پنزی سند اولاد چھس تہ گرا دوپن دے

کیا تہ بہ کیا۔ سے گوس بہ تہ بے گوس سہ!! زندہ باد تہ کورن
 پانے تہ مورہ باد تہ۔ زندہ روزنہ چہ بیڑہ سبیلہ کجن، تمہ کھوتہ
 زیادہ کجن مر نہ چہ۔ بیتھہ تریم عالمی جنگ لگہ مرن والین ہند
 تعداد روزنی منٹ اکھ کرور۔ نی ییلہ دین بوز تہ اسی اسی گئیس
 نیلہ۔ پانی پانس کورن مرجاز نمونا بنووم!

یوے نمونو منزہ اکھ نمونا چھہ مغل اعظم۔ یہ مغل اعظم کرتہ

کچھ پاٹھی سپدرحمت حق تہ چھ سارنے پتاه مگر بیربل کچھ
 پاٹھی سپد سورگواس تہ چھمہ خالے کانسہ ترکس خبر۔ سپدیہ
 زبیربل تیٹھے کلمہ نوامراتھ گرہ کن دراویہ فکر لُجس اُتھر ہندی
 پاٹھی اندری کورنہ زہفتہ ختم گرہ ہتھ کیا دمہ ستمہ دوہہ پادشاہس
 جواب۔ نہ اوس ژلنس وارنہ نہ گلنس وار۔ امی فکر کورنس
 سکوت۔ نہ رودس کھینس رغبت تہ نہ چینس۔ اصل ناآبہ
 دانہ مو کلیمتی! کھیہیہ بے کسند مالہ پیٹھ۔ بیربلس موٹیاویہ دپڑ
 تہ کونڈے یوت۔ رسہ رسہ دوہ گئیہ نکھہ یوان تہ سیٹی گورورسہ
 رسہ بیربل تہ زوہ رنگی پتھتھ گرہان۔ آخرس اوسہ دوہ تہ میہ
 دوہہ بیربلس۔ جواب بیتھ دربارس منز پیش اوس سپن۔ ساری
 درباری کیو امر اگئیہ سلہ پیٹھے میہ پاوہ دربارس منز حاضر زاز بانیر
 بیربلس سارے کاکل تہ بیربلن تہ کور پنہنہ جایہ فیصلہ ژزلنہ
 کھوتہ چھہ گلنے بہتر۔ سید سیوادمہ پادشاہس۔ جواب۔ ادہ پتہ
 الہ گرہن یا وانگن۔ امی ارادہ کرن پلنگہ پیٹھہ وو تھنچ کوش، مگر
 فاو اُس نہ سامرتھ تھامر۔ کنے گتہ آس تیتھ زدرس کرتھہ آو
 پتھر لاینہ تہ اتھی سیٹی دیتن امانت۔ پادشاہس یہ ون اوس
 تہ رودس اندرے۔
 اتھ مقامس پیٹھ چھمہ سوچن کچھ یہ زاتھ واقعس پیٹھ آسیا ستمہ اسمانہ
 دیس اُن آمت کمنہ نہ؟ عام خلقن کیا رارے چھمہ اتھ متعلق
 تھ چھہ نہ کانہہ معنی۔ دپھ تر کین ہند خیال چھہ ز دیس آو
 تیوت اُن زہلو کانین گوس گرس!! تس کیا ز آو اُن، تی گوسیر
 مولا۔ تھ ماووت کانہہ؟

بہاری بیلہ بیربل میہ دو ژر گپتہ سندس دربارس منز پیش کور۔
 امہ برونہ ز ژر گپتہ کھولہ بے تسن کر مہ بھی، بیربلن کورس
 گلوزہ گنڈتھ عرض ز مغل اعظم سند چھس نمک نور رومت،
 تسندس اکس سوالس رودم۔ جواب دینے اوہ موکھہ گواڑھ توت
 تام میہ متعلق پریتھ کانہہ فیصلہ ملتوی کرنہ یُن یوت تام نہ
 بہ تسند سوالک۔ جواب دتھ نمک حلالی ہند ثبوت دمہ۔ عرض
 یوزتھ رکو ژر گپتن اتھہ، بیربلس کرن ہیرہ۔ یونہ نظر، تسنہ حالتھ
 ڈیشٹھ آس عارے تہ بھی واپس تھوان ووننس۔ «تھاستو، تی
 سپد۔»

بہاری گوا مغل اعظم تہ بیربل سند ہیہہ کینہ کالر رحمت حق۔
 شایان شان طریقس منز آو تام کرنہ تہ شاہی اعزازہ سان آو
 مغل وڑا ونہ۔ نکیر منکر سپدی مغل اعظم سنہ شاہی قبر منز
 ظاہر۔ ملائیک ڈیشٹھ گوا مغلس برزس کھنڈس پانس تہ فارسی
 بولن مشٹھ۔ پوز آخرس مغل اعظم! موردے زن اوس شاہی
 تیبہ کوات گرہہیں۔ جراتس کام بیتھ بوزناون بیربلن سورے
 قصہ ویستارہ سان۔ کچھ بوزتھ سوچ ملائیکو تہ ز پوزے چھہ یوت
 تام نہ مغلس سوالس۔ جواب میدہ توت تام روزیس روح در
 عذاب، پوز بیربل سند معاملہ اوس ژر گپتس نش!! اوہ موکھہ
 لوگ کاروانی ہناز پتھر پہن۔ چھیکرس آیہ دوشوے اکھ اکس
 سمکھا ونہ یٹھ سینہ صفائی تہ سپد تہ نمک حلالی ہند ثبوت تہ
 میدہ مغلس۔

یہ ملاقات وچھتھ آو دیس ٹھاہ ٹھاہ کران اُن۔

رسی نیرپاٹھ پتہ ووٹھ مغل بیر بلس۔ «بیر بل اسہ اوس نہ
 ژیہ نش یہ توقع۔ سوالس جواب دنہ بغیرے ٹھوٹھ لوٹہ پاٹھی
 لٹ۔ یہ تہ سوچتہ نہ اسی ماروزوپیاران۔»
 بیر بلن ووٹس ہنناپشیمان ہیو سپدتھ۔ «تہ چھہ نہ دلیل حاکم
 پناہ! پزر بوزوینہ یور آس تنہ وو تم توہی پراران۔ تنہند سوال چھم
 وچھس بیٹھ زن پہاڑ۔»
 «تیلہ د جواب۔» مغلن ووٹس تنگ ہیو بیٹھ۔ «ون ہر گاہ
 جوٹھ گوو پادشاہ، تیلہ کم چھہ اسی؟»
 دپان روح چھہ زمانہ مکانہ چہ بندشہ نش آزاد آسان۔ یوت یہ
 ساتہ مرضی گرہیکھ لوٹ تمہ ساتہ ہیکن گرہتھ۔ تہ واتنس منز
 چھکھ نہ برزتہ لگان۔
 «عالم پناہ، وٹو میہ سیتی» ونان ونان کر بیر بلن عمر منز
 گوڈنکھ پھر شاہی آدابہ نیبر نیرتھ مغل اعظمس نر تھچتہ تہ
 پکھوون پانس سیتی۔ مغلن تہ کورس نہ واد۔ زن آس تس
 نبر زکوٹ نییم۔ بیر بلن کور جاہ ہند نیالے یوت زاچھ ٹیٹواریہ
 منزواتی اوہرہ لنگو پیٹھی دو شوے فلسطین۔ مغل زبے... اکی
 نظر تورس نقشہ فکر۔ بیر بلن کر بیاکھ ٹیٹواریہ ز عراق۔ مغل
 اعظمس ہیوتن مطلب تہ منشا سمجس یں۔ بیاکھ ٹیٹواریہ تہ
 کثیر۔ قدم ٹھہر اوتھ ہیروو بیر بلن کیاہ تام وٹن ز مغلن کر ژٹوونی
 کتھ۔ «بس سوالس میولم جواب۔۔۔ درایہ پھٹھ کتھ۔۔۔»
 ونان ونان آہ مغلس مر نہ پتہ اشرٹاری۔۔۔ مر نہ پتہ!! یہ
 وچھتھ آو دیس تیوت زورہ اُن ز آواز بوز مغلن تہ۔

«صاحب طرز شاعر یتھہ پاٹھی فن ورتاونکہ پننہ طریقہ سیتی الگ پوزنانونہ یوان چھہ تتھہ
 کنہ چھہ پننہ سونچن تراہہ کنی تہ پوزنانونہ یوان، تہ سانس سونچس نال ولان۔ بیلہ پرن
 والین ہند سونچکی تہ نظر بندی آنکن ژھوٹھی گڑھان چھہ، اکھ دور چھہ ونان شاعری اُس
 صرف پرانین تگان (زنتہ انسانہ سندی روحن اوترہ پیٹھہ شوینگ تراومڑ چھہ)؛ بیاکھ دور
 چھہ ونان یمن پرانین شاعرن ہنز شاعری چھہ فقط لول (زنتہ اوترہ پیٹھہ انسانی وجود کس
 عالمس منز لولہ کھوتہ زودار بیاکھ کانہ جذبہ دریافت گومت چھہ)۔
 یہ چھہ ماتھ ز شعر چھہ پرن ولس پننہ خوبصورتی یا دیو فنکاری حسابہ اثر تراوان،
 «کارآمد» آسنہ کہ حسابہ نہ۔ مگر قاری وچھہ ضرور یہ ماری مؤند گرتھ چھا سونس کنہ
 سرتلہ۔ فنکی واریاہ نوی نوی تجربہ چھہ اوہ کنی تہ کینہہ کالا فیشنہ رنگی ڈالا مارتھ ژھپیہ
 دوان تکیاز تم چھہ مضمونس فن، یا فنس مضمون چھہ دوان۔ روایت چہ زمینہ منز مول
 دتھ، پتمس تہ ازی کس (پلہ کھے تہ پگہہ کس تہ) زمانس تار تارتھ باڈو کڈن والی تجربہ
 چھہ بتھہ ریوایت بنان۔ ادبس (فنس) لطف تلنہ خاطرہ گڑھہ پرن یا بوزن ولس زندگی،
 تہ زندگی سیتی واٹھ تھاون والین معاملن منز شاعر سندس فنس سیتی سیتی تمی سندین
 موضوعن تہ مضمونن سیتی تہ واٹھ لگن تہ تم کنہ رنگہ اہم باسنی (پننہ آہ اسی نس یا مہ
 اسی نس، کتھ گڑھنس نہ باسنی)۔» -- مظفر عازم «یک رنگ، انور وار انور»، صفحہ 17-18

غزل

مظفر عازم

جانانو وئی جانی غزل
شرایو و تھر اسانی غزل

ووستس پوسنگہ سوریو سرپہ
سگ دیتنس وجہ وائی غزل

دیوانو بری دیوان
انی تھوپ دتھ انمانی غزل

پھرستک پھمبیراں چھہ سوخن
تنی گزی تازہ تہ پرائی غزل

تل ملبس کینہ مولہ وئی شعر
پیٹھہ ڈیرو ژھوڑہ کانی غزل

گوناتس گوو گوشن گین
پھسروو فلسفہ دانی غزل

غضبکی گولڑی گولڑی چاڑی سوخن
لولو لوتی لوتی میانی غزل

تس تگہ پانس کس دیہ کیا
اسہ لیوگھ کھاتس لانی غزل

اسہ کیا تھیکہ عازم وپھوار
تس ونہ پکھہ وہرائی غزل

تکریس پھٹ پھٹ پھٹت نوٹ
مدرسہ فلمستانی غزل

واہ۔ واہ رگ ووگنیں تہ ووان
فیس بکس فستانی غزل

راد ردیفس میناں راوی
ہونزس چھہ نہ مارانی غزل

راجس گوو تختس تاراج
تاجس جر ووڈی رانی غزل

شہر دمشق دراگ تیوو
گوڈہ ژوپن رومانی غزل

فار ایوران لوفاریو

شفیع شوق

تھاوتن تلو نہ کس ہیری مس کونس پیٹھ۔۔۔ آ۔ یہ بہن۔۔۔ چھہ سخ
 کاکی، داہ وری چھس گممتی مانکن بنٹھ پیٹھ کنہ بہمت۔ یڈتہ گئیہ پوزے،
 پتھہ چھہ حدتہ کانہہ۔ یہ تلیم گیور۔ اس چھہ ٹریڈ یونین والین سیڈی لچہ
 واٹھ۔۔۔ تھاوتن پننی جایہ۔ تکون ییلہ ٹھیک ٹھاک روز، چکور روز
 ڈنجہ۔ ادے گڑھہ دایرہ مکمل۔ دپان چھم تلک پیٹھ کرتہ۔ بہ کیا پور چھہ
 سا! میہ چھہ پان تریں وریں ہند ٹینیور پورہ کرن۔۔۔۔۔ ہیلو! آ، بہ چھس
 جی ایم۔ وٹو کیاہ علم چھہ؟۔۔۔۔۔ ضرور۔ تھندس اخبارس نہ تہ ادہ کتھہ۔
 ساری ایڈ میلن توہی۔ یہ کیا بہ سوز وونی ازکہ تقریبک سورے رپورٹ۔
 بس ای میل گڑھہ کھلن۔ گوڈہ چھا کشیر منز کتھہ سیزر۔۔۔۔۔ والیو چھہ
 ساری سے پھکھ تلمت۔ پیٹھہ یہ ریڈ پھانار لگوس۔ بہ کھولہ یگے یاہو۔
 میون تصویر چھوہ پرونے بہن۔ یڈس فریس منز تراوی زیون۔ یہ چھوہ
 میون نادر تصویر۔ فیس بکس پیٹھہ تہ چھوہ میانی کینہہ تصویر۔۔۔۔۔ شکر۔
 کھلیوو۔ رٹی تو اٹچمنٹ۔ روٹوہ؟ بہ چھوہ سخ آور۔ پیٹھہ چھم یمن ازری
 نیرن۔ یمن چھہ وٹہ سارے پیلنگ تھہ پانٹھو۔ شامن کروکتھہ۔ اچھا۔
 وعلیکم سلام۔ ساری سے تلنم توس۔ کانہہ چیز چھہ نہ ڈنجہ۔۔۔۔۔ ہیہہ،
 دکہ دیلتھم۔ لیپ ٹاپس گیووسور۔۔۔۔۔ دوپے ژہ کیا یہ بامبر۔۔۔۔۔؟
 جی ایم صابن کور شٹ ڈاون تہ ووتھ تھوڈ۔
 ساری سے کمرس اوس فریج عطر ہند نشہ پرہتھ کتھہ چیزس تیلیومت۔
 صوفہ تکین تہ تہ کاغذن تہ۔ پردن تہ تہ تمی سندین سویڈن تہ۔ مگر جی
 ایس اُس وونی یوزانہ عطر و سیٹی الرجی گڑھان، مگر ووننس نہ کینہہ،
 کرن تام گانٹن ہند اوس مسلہ۔ ییتہ پنداہ دوہ ٹولن، تہتہ بدیہ کینہہ
 گانٹہ۔ سہ رود دار کن گڑھتھہ سرکاری مکانہ چہ دار کنی وچھان، مگر تسنن

نظران ہند زاویہ اوس نہ کُنہ پیٹھ ٹھہرتھ۔

«کیاہ چھوہ وچھان؟ باسان چھہ تہند سہ پرون شاعر گلاژہ
نہ بدیہ جوان گرہن۔ بدیہ کین منظران منز چھمی کیتنام

»---

« آ۔۔۔ اگر فردوس بر۔۔۔ »

« بس بس، اتھ شعرس چھمی وونی ترہہ گم۔ ترہہ شٹھنیار!
کُنہ نہ کانہہ سبزار۔ صرف ہنم کرہ تمام دودار کُلی۔ چھوا وچھان۔
کاتیاہ موٹی تہ زبٹھی چھہ »

« بلاے یزی یمن دوداران۔ » جی ایم صائبس اوس وونی
موچرتہ زبٹھ بوزی تھے ووش ژلان نیرتھ۔ تمی ترودوزیوٹھ
ووش۔ « اگر نہ یم سرکاری ملکیت آسن بہ ژٹنا ویکھ ساری
دودار۔ میہ چھہ کشادہ لان خوش کران۔ »

« کیاہ کورہہ یو سر سبز دودارو؟ یہ چھو توہہ پنن آس۔ بہ
نیرتھ گرہہ دوہے باغس منز مارنگ واک کرن۔ آتی
وچھو زانہہ ماگرہہ وہ ایزما ائیک۔ بند کمرس منز بہت
چھو سگریٹس پیٹھ سگریٹ چوان۔ پننس صحتس گرہہ واتن۔
بدیہ کس چھو پنن۔ بہ تراوتھس دلہ، شری سوزی تھکھ بورڈنگ
سکول۔ پانہ چھو یمن دفتری ملازمن منز ہور کاوہوی۔ ہتھنہ
کانہہ لاپرواہی کرو۔ شیتھ پتہ گرہہ۔۔۔ »

« پوسی، بس کر وونی۔۔۔ او۔۔۔ آے ایم سواری۔۔۔
آی مین شکفتہ لدھیانوی۔ نی چھی نانان نیرہ؟
« اوڈے وونوہ۔۔۔ مس شکفتہ لدھیانوی! » تمہ تھاتس

پھیکس پیٹھ۔۔۔ تہ جی ایم صائبن تھوا یاس پنزی ژشانن

پیٹھ، مگر سوگے کھربون۔ یون وسان۔ کمزوری کئی کینہ تمہ
موکلو ووارہ وارہ پان۔ تس اوس تمی سند مشک کھران۔ پیٹھ
اوس وُنہ تس سران کرنے۔

« خبر کولت گوویہ اڈہ ژوٹ! ژیر گلاژہ نہ گرہن۔ گوڈہ چھا
کم بیرہ آسان وونی ایر پورٹس پیٹھ۔ اتھ بنیو وونی ریلوے
سٹیشن۔ بلاے یزی یمن پراویٹ فلائین۔ وونی چھہ یم
بہاری مزورتہ جہازن کیتھ تران۔ »

« اڈہ ژوٹ۔۔۔! » جی ایم صائبس ژول اُن نیرتھ۔ سو
آس داراب صائبس اڈہ ژوٹ ونان۔

« اڈہ ژوٹ ونس نہ تہ ادہ کیا! مجید ہے ناو اوس تہ
تھوونے تخلص داراب۔ وزن تام چھس نہ سیدان۔ گوم
وونی داراب صائب۔ مجید وانی۔ ہنہہ!۔۔۔ اڈہ ژوٹ! »
تمہ وون « اڈہ ژوٹ، لفظ ناٹھنیارہ سان۔ « اڈہ، ونن مگر
ژوٹ، وولن سینس منز۔

« مہ آسن پھوتہ تلان۔ پور ساری سے چھے یوہے واتان۔
نتہ کس پھیر ہی پتہ پتہ۔ میہ نہ چھیم فرصت تہ نہ شویم
یتھ وائسہ منز۔ چانی وائسہ آسہ شاید۔ تہ کارتہ چھو کئے۔
« اڈہ ژوٹ۔ یہ اڈہ ژوٹ میہ تہ زہ ژور وری کونس۔ یہ

بننو و تھن ژنی سینیر نیجر، نتہ امی سنز وائسہ چھہ لکھ نوکری
ژھاران آسان۔۔۔ گوڈہ کم جو کر چھایہ اڈہ ژوٹ بانان وینج
جوک تہ چھے بوزنا وان۔ یہ چھا کھوژان کائسہ۔ جوان کور چھس

پتے آسان۔ مشاعرے منظرچس آؤگراف ہیوان۔ یہ نے
بہ اُمس بیٹھ آسما، خبر کر آسے پنہ خاندانہ تہ دون شہین
تراوتھ ژولمت۔»

«نہ نہ تہ دی زلیں نہ کرنہ۔ میہ چھے اُمس وونمت ز
تواہ آسی زینے سوزان۔ اُمس چھہ ٹی اے ڈی اے
منزے پانس کیت واریاہ۔۔۔ وجھتہ، ٹوٹاک آف د
ڈیول۔ نہ کیا چھہ پکان اٹھی بیٹہ۔»

مس شگفتہ لدھیانوی دژدار کنی نظر۔ بتھس پھیورس
زیادے رونق۔ داراب صاب اوس گلاب اٹھی بیٹھ نہیٹھ
لانہ اپارگیٹہ اژان۔ سیکورٹی والیو کورس نہ مدد۔ تمی تراو
اٹھی ہنزٹالی یلہ تہ پکاون ٹایلہ تراوتھ پاتھس پیٹھ کھکھ۔
ہوآئی اڈک شور ہیو ووتھ، مکانہ کس دویمس پورس منزتہ
گریو۔»

«یہ ونے ژیہ تھاور تھاپنی چیز وارہ پاتھی؟ یتھنہ مشیتھ
آسی کینہہ گومت! میہ کڈناوی سارنہ نظمن ہندی پرنٹ
آوٹ دفترہ۔ تم چھی تھہ بلو فولڈرس منز۔ پین ڈراپو منزتہ
تھاورے تہ سی ڈی منزتہ۔»
«شکریہ۔ ویسے اُمی اڈہ ژٹی تہ چھینم نظمن ہنزاکھ سافٹ
کاپی ڈژمر۔»

«میہ تھاورے ماہ نو، آجکل، تہ بیویں صدی،
ہندی کینہہ پرانی شمارہ اٹھی منز۔ خبر کنہہ جایہ ماگرہ کھکھ
بند۔ غزل چھہ پتھ و تھہ ہوی۔ بیٹھ تہ چھہ نہ کانہہ

سنان کسند کیا چھہ۔ یاد چھئیہ پُرس تھہ انڈیا انٹرنیشنل ہالہ
کس مشاعرے منظر کاتیاہ داد میلی! ژیہ پزی میون شکر گزار
روزن۔ تمہ دوہہ ماوسے یہ اڈہ ژوٹ سیتی!»

«بس کرو وون۔ آمتے چھہ بعضے، دوہے ما پھس تھچھ
دوان کانہہ۔ پتھ گوانسیا پریشن۔۔۔»

دروازس نیہرہ کنہہ کرداراب صابن ژاس، حالانکہ دروازہ
اوس یلہ۔ سہ اوس اڈیڈاس جین، آسمانی رنگہ ہانی نیک
تہ بلوکوٹ لاگتہ اڈہ ژوٹ گڑھن لایق گومت۔ ووزل بٹھ
تہ کاوہ پکھہ ہیو مس۔ بلہ اچھن منز اُس بدلے شرارت۔
اتھس کیتھ اوس آئی فون۔

جی ایم صابن تراوس ہیہہ یون نظرہ۔

«گڈ مارنگ سر!»

«گڈ مارنگ۔ داراب صاب گرم پہن جیکٹ لاگو

زبے۔ تر چھہ بخ۔»

«سر۔ میہ چھہ نہ پوران تر۔ پیٹھ یہ تر چھہ صرف ایر

پورٹس تام۔ پتہ چھہ وشنیرے وشنیر۔ سر، ہیو موتی تہ

ژروہفتہ جوراہ۔ حیدرآباد چھہ وندس خوش کران۔»

«نا بہ ما پھس ییدی ٹھیک۔ میہ چھہ بیٹہ وشنیرک

جان انتظام۔ میہ چھا پرگی کچ۔»

جی ایم صابن تراو دارابس نیجن اچھن منز سنٹہ نظر تہ دارابس

پھول وٹھن پیٹھ اُن۔ جی ایم صابن لوگ زٹھی آہ ون۔

«دلہ واٹی تھہ کورتھ میہ فون۔ تھی واٹو اٹھہ بجہ شام تام۔»

میں روزِ سخنِ فکرِ یوتِ تامِ تہی گڈ گاؤں فلیٹس پیٹھ واؤ۔ میہ
چھوہ تہ سورے سامان تھوومت۔ اُمس ہا اُسی زدوہے
نہرہینہ یوان۔ یمن میڈن پیٹھ چھا بروسہ۔»

«تھینک یو، ڈارلنگ۔ فار ایوری تھنگ۔» شگفتن
وؤن ڈریننگ ٹیبلس نش میک اپ درست کران
کران۔ تمہ تھووکیتام کیتام بریف کیس منزتہ
پلنوؤن بریف کیس دارابس کُن۔ دارابن روٹ یہ
نہایت ہوشہ سان زن کینہہ اویل زاویل چیزاوس۔
«سر بہ کوتاہ دورے چھس تہ پیٹھ۔ تہ پیٹھ چھہ
اؤہس منز صرف ہتھ روپیہ لگان۔ وؤنی چھہ میٹرو تہ۔
یہ کس مسلے چھہ۔ بہ آسہ شامن ژیری پننس ڈیرس
پیٹھ گرہان۔ بے بی جان اُسم وؤنی فون کران۔ دپان اُس بہ
واتہ اُزی گڈ گاؤں۔»

«تس ہا چھہ چانہ میڈمہ ہندخ سرہمہ۔ نتہ چھا کور
وورہ ماجہ زانہہ پنزی مانان۔» جی ایم صابن وؤن چندہ
منزہ آئی پیڈکڈان تہ سکریں نہاناوان۔

«سو چھہ میہ ساروے کھوتہ ٹاٹھ ویس۔ ادہ وری ژور
پانزہ زن چھیم کائے۔ مگر سو چھیم ممی ونان۔»
«سر۔ پلیز ڈونٹ وری۔ بہ گرہس جے این یو تام
سیتی۔» دارابن وؤن نہایت اعتمادہ سان۔
شگفتن تراؤس پر اسرار نظر بھس کُن۔ داراب دراوکٹھہ
منزہ۔

«وؤنی بیہ میہ نش تہ برزہا۔ آئی لو یو پوسی۔ آئی
شل مس یو۔ ژہ چھکھ پانس نہران تہ میہ چھکھ یاد للوئی
تھوان۔»

«آئی لو یو ٹو ڈارلنگ! تہی ما کئی زنی تنگ یوان؟»
«نو آئی لو مای لونی نیس۔۔۔ تہ بیہ چھا میہ
فرصت۔ وؤنی آسنم کھجو کھجو ملازم پکان۔ یمن چھا کم
مسلمہ۔ میہ چھہ پتمس جی ایم سندی ساری کنڈی گالزی۔ سیٹھا
کنڈی چھن نووراوی متی۔ ساری سے چھیم پنہہ آہ ترتیب
دنی۔ آخر پنن پنن پر سپشن۔ یے لکھ اوترہ تام اتھ وولہرشہ
ہر ہر پلناوان اُسی، تمے چھہ فریادی یوان ز من کو ٹھن سپد
سیٹھا ظلم۔»

«انکھ بلاے۔ شامن شامن کیا چھو کران؟» شگفتہ بیٹھ
تس لر صوفس پیٹھ۔ مگر سو اُس ٹینڈن پیٹھ۔ صحبن کوڈ
مجبور ہیو گرہتھ گرم گاؤنہ کہ چندہ منزہ ڈچھن اتھہ۔ مگر پتہ
ٹوگس نہ کینہہ بوژن امہ اتھہ سیتی کیاہ کرہ۔ ہتھ تھہ تھوونس
پھیکس پیٹھ اتھہ۔ تس اوس پورہ خیال ز اُمس ماڈلہ میک
اچ ترتیب۔

«ڈونٹ وری۔ ماے ڈیر، آئی ایم فاین۔ اسہ چھہ
شاک سورے انتظام کورمت۔ ہتھ وارڈرویس لر المار
منز وچھتھ نہ میہ کیاہ کیاہ چھہ تھوومت۔ بیہ گرہہ میہ
میوزک اُسن۔»
«میہ تو نہ فکری یم ترواہ دوہ کپاری ژلی۔ غار۔۔۔ آئی

ایم کمنگ اگین۔ تورہ ماچھوتاژن کینہہ؟»

«توہہ چھہ میانی ٹیسٹ معلوم۔۔۔ یہ خوش کری۔ توتمام

آسہ وندہ تہ موکلیومت۔۔۔ اوکے!» صحب ووٹھہ تھوڈ۔

پتہ وژھ میڈم تہ۔

«اٹ از گیننگ لیٹ۔ از کل ہے ووڈی ملاقات سہل

چھہ۔ پلیز ہفتس منز آس زاکہ لٹہ سکا پپس پیٹھہ یوان۔»

«ووڈی مہ کر میہ نیران نیران ایمبرس۔»

«نیر ووڈی۔ یہ پچور کوتاہ پراری۔ یہ آسہ بونہ کنہہ ہانیومت تر

سیٹی۔ تاپہ یاوہ!»

«پراہ گرہہیں۔ یہ چھہ گپن۔»

«گپن» بوزتھ گیہ جی ایس عقلمہ بلکل۔ سہ گلو بدلے کمن

غوتن۔

یہ وٹھہ پھیور صحب ہوم تھیٹرس کن، تہ کورن آن۔ میڈم آس

کمرہ منزہ درامشہ آس ہیرن وسان۔ صحب ووٹھس پتہ پتہ۔

سہ زن اوس گرم پلون منز گویومت ہیو۔

دارابن آسہ ساری لٹچیہ ٹیوٹا انووا چہ ڈکی منز بر مرہہ۔ تہ پانہ اوس

تنبلیومت ہیواتھہ موران۔ شاید وشنیر ہاتھہ۔

میڈم بیٹھہ منزی مہ سیدہ۔ داراب ہیوٹھہ فرنٹ سیدہ۔ سہ اوس

ایر ٹکٹہ چندہ منزہ کڈتھہ وارہ پاتھھی وچھان۔

بازوڈزیرہ ون نیرہ ون اکھ اس کن فلاینگ کس۔

تہ گاڈی درائے گوڈہ وارہ وارہ تہ پتہ تھارڈ گیس منز تہ پتہ فور تھہ

گیرس منز۔

کمرس منز آس وٹنی ہیوسٹن زن چکہ دوان۔

«کجرازی! مر تھہ تہ نہ تھچھہ ٹلان!» صحبن کلار میوزک بند۔

زیوٹھہ سگریٹ زالتھہ لوگ پنہہ کمر کی تم ساری چیز پنہہ پنہہ جاہ

تھونہ یم پتھین دون ہفتن ژور آسن تھاوڑی متی۔ سہ اوس ژیر

تام کئے زون پنن کمرہ شیران۔ زن سہ اتھہ دوبارہ شوژ کران

اوس۔

زہ نظمہ

ڈینا جیویا

سنڈے اخبار

- سنڈے اخبار
- سنتا روزا بس منز آتھوار راتھ

سنڈے اخبارس منزکیہ تام وچھان وچھان
پھیر میہ اچانک مقامی کھاندرن کن ورق
تصویرس پیٹھ پیٹھ نہ نظرے یوت تام
میہ چون ناو سورخی ین منز وچھ۔

یہ اُسکھڑے، ہو بہو ترھے
سے زیوٹھ مس، زیوٹھ مگر وونی پرون طرز
تہ بتھس پیٹھ سوے سنجیدہ صورت
یتھڑہ مسجار ومان اُسکھ۔

میہ باسیووزن اسی روبرو بہت اسی
شرارتہ ہوت، پُر میہ سارے خبر
اتھ منزاوس دوشونی خاندانن متعلق واریاہ کینہہ
ژیہ متعلق سیٹھاکم۔

ڈینا جیویا چھہ عالمی شہرت یافتہ
بمعصر امریکی شاعر تہ نقاد۔ امی
چھہ ژور شعرہ سومبرنہ چھپاو مڑہ
یمو منزہ اکس امریکن بک ایوارڈ
تہ میولمت چھہ۔ یہ چھہ نیشنل
اینڈومینٹ آف آرٹس ادارک چیرمین
تہ رودمت۔ یہ چھہ از کل یونیورسٹی
آف ساوتھ کلیفورنیا بس منز شاعری
بند پروفیسر۔ یم ترجمہ چھہ
منیب الرحمن نن کری متی۔

موکلتھ، دیتم اخبار پتھر دآرتھ
 حصدن زولس، ذہنس وژہم ریہہ
 یہ شخص کھورم، یہ ازانی یس ژیہ لول بورتھ
 یہ چھپیومت ناو۔

سنتا روزاہس منز آتھوار راتھ

مآلہ موکلیوو، تھدی خیمہ
 گاشکی عالیشان محل چھہ تمہ کرنہ یوان
 تہ ٹرکن منز واپس سوزنہ یوان۔ تربیہ لٹہ ہورمت
 ویل آف فارچون چھہ لبہ پیٹھہ ہکھہ وُستھ یوان۔ لگر
 چھہ بربری ریڈس نش ژھوٹہ ڈیرس ژھانڈوان۔
 مدہ مست پانڈوچھہ وسی پیٹھہ مدرس نش
 لاینہ یوان۔ ہونی بتھ لاگتھ کوٹ چھہ نظرہ بچاوتھ
 سورچھہ کچھہ سیتی زلتھہ راتس پیٹھہ ژلان۔
 واوچھہ ٹکٹہ پرزہ وتہ پدیو پیٹھہ وڈاوتھ نوان۔
 موردہ چھہ پنن توبوت تلان تہ ٹرکہہ بران۔
 دور پارکنگ لائس منز اکس ٹریلس منز چھہ
 ریڈیو پگمہ کہ مو سچ پیشن گونی کران۔
 تہ اکھ جو کر چھہ ڈریسنگ انس منز روٹہ وچھان
 اکھ ڈبہ نیپر کڈان تہ پنن بتھ زلتھہ نوان۔

توتہ ٹٹ میہ یہ خبر تہ تھام وژہم تھ
 اکس کتابہ منز زن بکار تیم
 اکھ ردی ٹکرہ یس پتہا چھم پرن نہ دبارہ
 لگر اوراون تہ ہیو کم نہ زروتھ۔

تریہ غزل فیاض دلبر

تیلہ اُسی آساں ساری شری یتھ کوچس منز
وونی چھہ فقط لوکچارکی کینہہ تصویر تہ بہ

- تیلہ اُسی آساں ساری شری یتھ کوچس منز
- اچھر والن پیٹھن زن پوشہ پھوتی چھم
- سو تہ یواں وونی چھہ کوچہ گلی سے تام

یار ونس منز چھٹہ پونپر ٹھانڈن والیا
دارِ دمس پیٹھ پیاران چھی چھت گیر تہ بہ

میانس ناوس معنی ٹھانڈن والیا بوز
اکی سے لہر منز اُسی بساں ریشی پیر تہ بہ

ماتا مالہ کہ براندہ تہ بییہ لل ماجہ نشن
کوتاہ رڑھہ رڑھہ دور گوامت کشمیر تہ بہ

سانین غزلن نظمنا منز ہے بس چھکھڑے
پرانین ورقن پیٹھ کتھ وہرتھ میر تہ بہ

سو تہ یواں ووئی چھیہ کوچہ گلر سے تام
بہ تہ کچے چھس ووں گر نیبر نیران

یگر ووئم گرہتہ بہتہ دلہ اسہ کیاہ
چھس بہ زانتہ تمس چھہ خ پھیران

تاپہ دانس تہ چھٹہ ہندس پھیرنس
کتر عاشق چھہ از تہ یلینز بیران

میانہ سفرچ خبر یہ کمر دژنکھ
پرانہ مندور تم چھہ بر شیران

بازرن منز بہ کتہ کپنن تھووہس
وانہ پتہ وانہ چھکھ ژہ بلر پھیران

اچھر والن پیٹھن زن پوشہ پھوئی چھم
میہ راتکی خواب ساری نیندر ہتی چھم

بہ دمہ نا پیٹھر قدمن ڈاکہ وائس
لفافن منز میہ واتان نالہ متی چھم

دلک سودا چھہ شاید طے سپدمت
مکانس سرپیہہ، مکینس نارہ تتر چھم

خبریہسک وری کتہ پیٹھ چھہ آمت؟
میہ شہزادین تہ باسان جامہ چھتی چھم

تریہ نظمہ

شہناز رشید

زونئی

پریتھ شبہ چانس اتھ بون و سنس پیٹھ چھم جیرہ ووتھان
یس کانہہ آنگن
یوسہ کانہہ دارتہ یس دروازہ دواں چھے ناد

دوراں دوراں

سورے گمہ بیتھ تسریش چھیکھ واتان

- زونئی پان پنن پرزناو
- مڑی ونیو مے، میہ سیتی مہ وچھ
- ژودا بم زون
- ایس ایم ایس

زونئی، تہ ہرگمہ پان پنن پرزناو کھ

ہرگمہ پننس دیواں خانس اندر بوش رٹھ

ساری آنگن

سارنی دارتہ برواتن کھو کھش کراں

چانس دروازس پیٹھ

لیکھن پننیو اچھر والو سیتی چانین پدی آکھن پیٹھ

«چانہ جلوک سوندری اسہ ارمان»

زونئی، تھزر تراوتھ

اتھ چانس

پریتھ شبہ بون و سنس پیٹھ چھم جیرہ ووتھان

مڑی و نیو مے ، میہ سیتی مہ وچھ
ژوداہم زون

ایس ایم ایس

مڑی و نیو مے ، میہ سیتی مہ وچھ ژوداہم زون
اگر تگاں چھی نہ داروونی بند کرنی
میہ ونتم یہ چھا خطا میون
اگر زیہ روشن دان مژرنہ اوے سینک
اگر زیہ اندری شیشہ پھٹنک چھن کن گولے
میہ کس خطا کھوت

تمہ اوس نہ رو چھمت
زون ژوداہم وچھنک
کھنہ تہ خواب
پوڑاکہ دوہ متہ ریتہ کالہ
پیلہ تمہ آنگن زون ژوداہم دراے
تس رود نہ پانس تام
تمہ مژراؤ ہنگہ منگہ دار پنی
دوڑھو، دوڑھو سو مبروون سوڑے زونہ گمہ ہلمس منز
پتہ تھوون رانس پھٹ بناوتھ شاندس تل
توپتہ لیوکھن کستامتھ اکھ ایس ایم ایس
«از ساومیہ چانی ژوداہم زون رانس پانس سیتی»

مڑی ، یہ زون چانہ کھوتہ تہ بد مژ
یہ چھیہ نہ بالکل پراں کانس
قلف یہ مژراں کمن صندوقن
تہ چاکھ جامن چھیہ دیاوناواں
کمن مژن مس یہ پراٹہ ناواں
مڑی و نیو مے ، میہ سیتی مہ وچھ ژوداہم زون

(28)

سره بوج چھمیہ رازس ویتھ و سونی
 دم ساز چھمیہ سازس ویتھ اسونی
 حض بابہ پیامنی جنتی جوے
 یس لولہ لولہ للواں حض کامل
 حض شپنژی مسول خوشونی کور
 یورپے دیت لفظن مہورس
 یور فقریچ رزگر بابہ شکرس
 بدیہ بابہ نصیبس سریمہ قدمن
 مس میچھر لفظن مہورس
 تھر رزواں نغمن آزادس
 یوس شمس فقیرس روچ لے
 ہوتھ مار بٹھس پیٹہ تاروزان
 سندھورس شیراں نوا عالم
 حض شیش لولہ منز شاہ نوزک
 تخلیق تہ سازس کیا ملون
 اکھ کریٹھ کتھا یوس وچھ کوران
 کس مول ونو، کوس موج سپز
 کس بوے چھہ، کوس چھہ بدینہ ونتم
 مؤر کمی سند کمی سنز ریمہ چھس منز

ویتھ

حیات عامر حسینی

یہ چھہ اکہ طویل نظمہ بند آخری حصہ

کیا معنی جبل الوریس ون
 اکھ زبٹھ کتھایوس رحیمن ونی
 اکھ کروٹھ ہیرا یس شمن سور
 تنہ ہول گو مت چھم بیٹھ سینس
 کمی زالن کتہ وج جبہ خاتون
 کمی سازن رو سلس ہانکل کر
 کمی سازن ابن الفارض وول
 منصور بنٹھ کمی لیکھی غزل
 کمی ضرب کلیمک سازوٹے
 کس سحر گووے ووٹھ پایہ چھتس
 بطحا کین خوا بن ہند میچھر
 کر نام صا بس پھوچ لفظن
 مدہ ماڑ پھلے اندری جگرس
 حض جامی کر توڑ کریری وڑری
 کر فاش کر تھ گوو عشق لے
 انہار چھ لفظن ہند ڈولمت
 وانا کھ چھ خوا بن ہند عالم
 پریتھ جایہ چھ داہر سند لشکر
 ویتھی ژھانڈن قاسم تے طارق
 بیہ آلو کر از محمودس
 بیہ برپا کر از بدر واحد

کیا لے چھس کمی سنز تہہ چھس منز
 کس باڑتہ کمی سنز موج سپز
 کس مولتہ کمی سند اول سپد
 میڑ کیا گے، میڑ ہند پر تو کیا
 ریہہ کیا گے نازک اگر کیا
 ریہہ ویتھ ہند سرگم سبز شمل
 امی رازن مژرووزرگر صاب
 امی خوا بن شمس فقیرس گنڈ
 ریہہ فقرچ نفسکو جامہ ژن
 امہ کتھ وول نعمس شام و سحر
 امہ کتھ کری ستھ اقطابی متی
 امہ رازک سرگم اللہ ہو

(29)

مقبول چھہ از لے موت آسان
 گلزار چھہ یی سند نفس بنان
 پریتھ شہا نسیم صبح وزان
 گلریز بنان چھہ تار نفس
 سوچھہ کرالن تھری نے بانہ عجب
 تھی غنی ین کرنے کیا وکھنے
 ون کرالہ پنس چھہ کیا معنی

بئیہ عالم بدلن تصویرک
 پے شہر خارک ویتھ باواں
 کیا سون تہ ووگن گوو ویتھ باواں
 ویتھ باواں ازل وابدک سر
 کیا زیون تہ مرن گوو ویرہناوان
 ویتھ باواں کھری گنڈ نیاین ہند
 اظہار مرہیل آیاتن ہند
 ویتھ وقت تہ وقتس ماکانہ اند
 ویتھ سخت تہ دوران بدلان روخ

(30)

ویتھ وسہ تے گریزون پادر سہ
 ویتھ کھسہ تے ترچھ کرون گر
 متھ مانڈ کران وس بے روین
 نری پھڑتھ والن دیوا برہ
 بے ناو بناؤکھ یم لشکر
 بے نوریو کور نون چمن
 وس پیمان ساوی واندر کھاہ
 وس پھڑان پریتھ اکھ دست ستم
 مسار کران وس قلعہ ساری
 ہرقل تے داہر وکسری سندی

طوفان بٹتھ کر مولہ پراٹے
 صیہونی شالس تے زارس
 ولناوتھ والن پریتھ کنڈی زند
 پریتھ ارہ کھور زالن قہر بٹتھ
 سیلاب بٹتھ وس ژون طرفن
 وس مانی بٹتھ وس شرانی بٹتھ
 وس رقص کران گتہ گیور کران
 مستانہ بٹتھ وولہ نیور کھسو
 دودار تہ کایر تے بدلن
 الہ گوگوس کرونی پوشہ زندن
 کریکھ لایو، ژھانڈو خوشون رنب
 بئیہ ژھانڈو خوابن ہندی معنی
 نوو دنیا اکھ آباد کرو

(31)

وتھی چانین قطن گہر بن
 وتھی چانین جوین پوش پھولن
 کستور بن پریتھ واوہ ملر
 پریتھ گراے بن اکھ قوس قزح
 پریتھ ژھالے بن اکھ پوشہ شمل
 پریتھ گراے بن اکھ تارکھ نب

ویتھی چائین زخمن پوش نین
 ویتھی چانس جگرس داغ ژلن
 رونہ لاگے چانس دامانس
 دشہ گنڈہ ہے چانس زانپانس

(32)

ویتھہ اکر میانین خوابن ہند
 ویتھہ مالین میان بن دردان
 ویتھہ رزوان آو حض شاہزی
 ویتھہ گزواں مستی ختلانچ
 ویتھہ میچھر آس نندہ ریشن
 ویتھہ رتھ چھے حض مخدومز لے
 ویتھہ شیراں نالس حض زہرا
 یوس موج خدیجہ دیدامچ
 یوس مونس نبیس ڈوکھ دینس
 یوس طاہر واطہرناز سخا
 یوس ژادر نبیس پانس وج
 یوس پنخ تن پاکن سایہ کران
 یوس ژھایہ وچھان اوس ٹوٹھ نبی
 تس ڈیکہ بچہ زانی ڈیکہ بڈکور
 یوس نبیس ڈوکھ حسینز دید

پریتھہ جوے ژودا ہم زون بن
 پریتھہ قدمس چانس آے ہرن
 پریتھہ ناگ بنن دودہ مانچھ کول
 پریتھہ تھزرس چانس فلک بن
 پریتھہ پاتھل پھولون باغ ارم
 پریتھہ جوے بنن اکھ پوشہ ہلم
 پریتھہ پوش بنن اکھ نابدکھاہ
 روے اسون لعل بدخشاں ہیو
 بٹھی چانی بنن فردوس بریں
 پریتھہ صبح پھولن اکھ سوننتہ سحر
 پریتھہ شام لبین اکھ شیرنی نوے
 رمہ ریشن مسکن چانی بٹھی
 حض خضرس رون زون چونے سرہیہ
 سنطور وزن پریتھہ آہ گلے
 شرونی کرونی روزن پریتھہ ملراہ
 ویتھہ جاری روزن تا بہ ابد
 نغاتی جوین ہند خوابہ رقص
 گزر روزن رزواں تھد بن کوہن
 سرہیہ روزن اسواں مرٹھلی کھسن
 پریتھہ جو یا روزن اسان گندان
 آبادتہ شاداں نواں مھباں

(33)

وولہ یکھنا ساتھ گاش وندے
وتہ شیرے قدمن پوشہ پھلے
وولہ یکھنا زمانہ ون ہار بنتھ
اکھ ساتھ اڑتے سانہ برے
پروہ تراواں اسونی روسی کٹا
ہمہ بالہ تراں یمہ بالہ وساں
گاہ تراواں پتھ کن زیٹھ نظر
گاہ وچھونی برونہ کن ٹھالہ براں
ٹھپیہ ٹھانچہ کران مس باتھ وناں
وڈہ زالے قدمن مانزجرے
کونگہ پوش تہ بادم کھالی پھلے
پریتھ جو یہ بہ لاگے سبز پلو
یس وردن شوہی ڈالو انے
وولہ یکھنا ساتھ سون شبا
پریتھ قدمس تارکھ زول کرے
وولہ یکھنا مشی ڈل سیر کرو
اشہ چھلو حضرت بل کی بٹھو
تس آغس ونہو دادی دلکو
تس ہاوو جگر کی داغ سری
تس ہاوو از لئی نیایے سری

یس جورہ بنوون شیر خدا
یس سوزن کوراہ حض زینب
یس سوزن گوبراہ حض جیلاں
حض میرتہ خواجہ سمنانی
لے میچھر تہنزے لفظن چھے
حض شیخس سانس سرکارس
پتہ لارس دامن از دارس
اسہ تپھ چھے تہندس دامانس
اسہ پڑھ چھے تہندس فرمانس
انہارثیہ دی نے تازہ نبی
حض زہرا کری نے سایہ پنن
حض حیدر کری نے سایہ پنن
حض حیدر کری نے رآچھ بٹھ بن
حض زینب کری نے میٹھو روض
حض جیلاں کری نے دسگیری
حض شیخ تہ شاہ ہمدانی
لے بنی نے سرگم نغمن ہند
وتھو روز وساں وتھو روز اساں
وتھو لگو نے قدمن رم میانی

تس و تھرو پادن پان پنن
 زوجان تہ بو کوچہ گاش پنن
 ووئی کری تو نظر پاس خدا
 اسہ لاچارن اسہ مسکینن
 اسہ دلگیرن اسہ غمگینن
 اسہ تمہزے پڑھ اسہ تمہزے ستھ

شاعری

نظم

ظفر فاروق صلاتی
 میون ہرد

میون ہرد میانس آنگس منز
 زنتہ پرہ ژھیون ہیو گو مت
 میانہ آنگی بونہ و تھرن
 واوہ رنگ الراو کر؟
 زن ہواوس پھرہ ہیو دتھ
 میانی کنی ما از ڈلان
 نے فرد کانہہ میانہ آنگن
 بونہ و تھرن بوئی کران
 کوٹ سناگے آنگنک بسکین در؟
 وق سیٹھا پیاران گوو منز آنگس
 بونہ و تھرن گرد گج سونہاری تن
 رودہ پھیر یو کوڑیہند یا ون دفن
 واے کانہہ یہیہ ہے یمن زوناوہ ہے
 یا تہ گرہہ ہے واوہ لے تڑھ پیدہ ہش
 یوس یمن مرٹندریدیہ وزناوہ ہے

تریہ غزل

نگہت صاحبہ

تریہ چھے نارس اندر گلزار پھولمت
بھارس منز میہ پوئن رنگ ڈولمت

میہ کتری کتری ٹری پتھے آپھر محبت
خبر کمری چھے دلس گلہ پوٹ وولمت

پرو در باغ وولہ لوچ نمازا
دپاں تھے شببنمن دامن چھے پھولمت

مین خوابن کراں چھس مالہ راتس
تمن صبحے چھے آساں سور پھولمت

ژٹاں گل جامہ بلبل خون ہاران
خبر کس ماجہ طہمک راجہ ژولمت

اتھس منز تھاو تسبیح جان ہے گوو
چندس شراچ ز دشمن ما چھے گولمت

- تریہ چھے نارس اندر گلزار پھولمت
- دیپاوم از دلس بیہ خواب وچھتھا
- ساقی آستھ چھم نہ حقے کانہہ
بانن پیٹھ

ساقی اُستھ چھم نہ حقے کانہہ بانن پیٹھ
چینہ والین ہند ناو لیکھتھ پیمانن پیٹھ

بہ تہ چھیس صبرک زین زالاں ووئی وندہ کالس
نتہ کس ہاکھ تہ بہتہ بنہ ادرین دانن پیٹھ

جان چھہ بی احسان کرو پتہ مشراوو
تاپس کتہ در سرہمہ زانہہ ووگننن بانن پیٹھ

واے! اما کتھہ راوی تہ واپس کونہ یوان
کیاز سیاست میہ تراواں جانانن پیٹھ

یس کم ظرفس قلم تگاں چھہ نہ پریناؤن
تس چھہ دواں سرکار انعام افسانن پیٹھ

کمر تاں آبک پے دیت ریگستانن منز
افتاچ زڑہ پرزلاکھ سیکہ دانن پیٹھ

دپیوم از دلس بیہ خواب وچھتھا
دوین ون کیاز کانہہ متاب وچھتھا

زمانے ٹیہ تہ وچھتھ ون پاس لیلی
اچھن منز کانہہ شخس آب وچھتھا

سکونک تاپھ چھاؤن کس بجر گوو
دوہرک ونٹہ زانہہ اختاب وچھتھا

میہ نے وچھہ چانہ روس غموار ہرگز
میہ ہیو کانہہ در دلا نایاب وچھتھا

وچھکھ کتہ میانہ ازچ بے قراری
ٹیہ نارس اندرہ زانہہ سیماب وچھتھا

ندامت زوروارس لوٹھ زیور
وناں کمزور وز داب وچھتھا

زندگی کنہ زندگی؟

منیب الرحمن

«میانہ زندگی ہند مقصد سپد پورہ۔»

«میانہ زندگیہ ہند مقصد سپد پورہ۔»

سوال چھہ یہ زیو دو یو جلو منزہ کس اکھ چھہ صحیح۔ اگر اسی رسالہ تہ کتابن
دو منزہ دمو، اسہ لگہ یہ پتاہ زگو ڈنکس بجلن منزہ پٹھو لفظ «زندگی»

ورتاوانہ آمت چھہ، سہ چھہ زیادہ عام۔ تہ دویمہ بجلک لفظ «زندگیہ» چھہ

اتھہ سیاقس منزہ شاید پتھین و ہن پنہ ہن و ہن منزہ ورتاوان شروع سپد مت

تہ سہ تہ خاص کر کینہ نے ادبہن ہندین لیکھن منزہ۔ سوال چھہ صحیح کیا

چھہ؟ وارہ سننہ وچھو اسی زندگی لفظک یہ ورتا وچھہ املاہس سیتہ تعلق

تھاوان تہ گرامرس سیتہ تہ۔ گوڈہ دمو اسی امہ کس گرامرس و ہن۔ گرامر

کین اصطلاحاتن منزہ کیا و نوا اسی یمن بجلن منزہ زندگی لفظہ کس استعمالس؟

کاشرس گرامرس منزہ چھہ اسمن (ناوتین) سیتہ حالت اضافی

(possessive)۔ تھہ پٹھو ظاہر کرنہ یوان:

مذکر اسم / مذکر اسم:

چانہ خیالک (مذکر) گاش (مذکر) -- (خیال + ا + ک)

مذکر اسم / مونث اسم:

چانہ خیالچ (مذکر) روشنی (مونث) -- (خیال + ا + چ)

مونث اسم / مذکر اسم:

میانہ نظر (مونث) ہند گاش (مذکر) -- (نظر + ا + ہند)

مونث اسم / مونث اسم:

میانہ نظر (مونث) ہنز روشنی (مونث) -- (نظر + ا + ہنز)

یمن بجلن منزہ چھہ «خیالک»، «خیالچ»، «نظر ہند» تہ «نظر ہنز» لفظ حالت

اضافی علاوہ حالت فاعلی (oblique case) تہ ظاہر کران۔ مونث

اسمن پتہ کنہ چھہ اتھہ سیاقس منزر / ار جوڑنہ یوان۔ مثلاً:
 نظر < نظر ہند / ہنز؛ ناو < ناو ہند / ہنز؛ رگ < رگہ ہند / ہنز؛
 شکل < شکلہ ہند / ہنز

مگر اسی کیاز چھہ نہ عام پاٹھی کینزین مخصوص طرزہ کین اسمن
 سیتز حالت فاعلی خاطرہ یہ / ار جوڑان؟ تہ رحمن راہی، رتن
 لال شانت تہ شفیع شوق کیاز یمن مخصوص لفظن تہ پتہ کنہ
 یہ / ار جوڑان؟ یعنی تم کیاز چھہ لیکھان:

مستی ہند بدلہ مستیہ ہند

ہنرمندی ہند بدلہ ہنرمندیہ ہند

شاعری ہند بدلہ شاعرئیہ ہند

نوداعتمادی ہند بدلہ نوداعتمادیہ ہند؟

یم ساری چھہ تم اسم یم زیتھس / رای / مصوتس

(vowel) پیٹھ اندواتان چھہ۔ یہ مصوتہ چھہ زیوٹھ تہ /

ار ژھوٹہ مصوتک جوہ۔ دوٹوے چھہ آسہ کس برونہمس

حصص منز کی طریقہ بناونہ یوان، صرف یمہ فرقہ سان زاکھ چھہ
 ژھوٹ تہ بیاکھ زیوٹھ۔

کاشرس منز چھہ یم اکثر لفظ فارسی (اردو) پیٹھ آمت۔ اسہ

یس قاعدہ حالت اضافی تہ حالت فاعلی ظاہر کرنہ خاطرہ

اوس، اسہ لگووسہ یمن لفظن پیٹھ تہ۔ مگر مسلہ اوس یہ زمین

لفظن پتہ کنہ آس تمی مصوتی زیتھ شکل یس اسی یم حالہ ظاہر

کرنہ خاطرہ ورتاوان چھہ۔ یعنی 'زندگی' لفظ آخری آواز / رای /

چھہ / ار مصوتی زیتھ شکل۔ حقیقت چھہ یہ ز

/ زندگ (ای + ا) / لفظک پھورچھہ مشکل تکلیز اتھہ پتہ

کنہ یمہ آوازہ چھہ تم چھہ آسہ چہ اکی جاییہ، اکی طریقہ کڈنہ

یوان۔ اکھ آواز کڈتھہ، پتہ بیاکھ آواز تھہ جاییہ، تمی طریقہ کڈنہ خاطرہ

چھہ اچھ حالت تمہ حالہ نش ڈالتھہ دبارہ واپس انچ ضرورت

ہیوان، لہذا چھہ یہ پھورس مشکل بناوان۔ اصول چھہ یہ

زیوت تام زبانی ہنزن آوازن ہند تعلق چھہ اکی یا ہستی آواز

ہند تکرارہ بہ نسبت چھہ اکھ آواز پتہ بیاکھ ہنا مختلف آواز کڈنی

آسان۔

بیلہ یہ پھولیشن آسہ، زبانی ہنز صوتیاتی عملہ منز چھہ کمی بیشی

ہنرہ زہ صورت ممکن سپدان۔ اکس صورت منز چھہ یم ہیشی آوازہ

/ رای / تہ / ار اکھ اکس نش ژھین دتھہ الگ کڈنہ یوان،

تہ دویمہ صورت منز چھہ یو منزہ اکھ (زیادہ تر دویم) آواز بیکر

تراونہ (ختم) کرنہ یوان۔

اسی تلون گوڈنچ صورت۔ عام طور چھہ اکھ بیاکھ آواز یوس

شدید طور مختلف آسہ نہ، یمن دون آوازن منزس تھاونہ

یوان۔ مثلاً / زندگ + ای + ار ہنزن / رای / تہ / ار آوازن

درمیان چھہ اکھ نزدیکی آواز نیم مصوتہ / ری / تھاونہ یوان۔

/ ری / نیم مصوتہ (semi-vowel) گڑھہ نہ / رای /

مصوتس سیتز کنفیوز کرنہ یمن۔

/ رای / چھہ مصوتہ تہ / ری / نیم مصوتہ یس اکثر مصمتی

(consonant) کام دون چھہ۔ بہر حال، یہ نیم مصوتہ

یمن دون آوازن منزس تھاونہ سیتز چھہ زندگی لفظ اضافی تہ

فاعلی حالت یہ بنان: (زندگ + ای + ی + ا) زندگی + یہ)۔
 اتھ صوتیاتی عملہ منزچھہ / ای / مصوتک زچھر راوان تہ
 یہ چھہ / ای / بدلہ / ای / مصوتس منز تبدیل گڑھان تہ لفظ
 آخری صوتیاتی شکل چھہ / زندگ + ای + ی + ا / بنان یعنی
 <زندگی>۔ لہذا چھہ نہ زندگی لفظ صحیح ٹھہین بندی
 / زندگ + ای + یہ / بلکہ / زندگ + ای + یہ /۔ یہ چھہ سوے
 شکل یتھ رحمن راہی، رتن لال شانت، شفیع شوق، بیتر
 ورتاوان چھہ۔

دویم صورت چھہ یہ / زندگی + ای / لفظ کیو دوپو متصل
 / ای / تہ / ای / مصوتو منزہ چھہ آخری مصوتہ تراوتھ مسلہ ختم
 کرنہ یوان، تہ زندگی لفظ اضافی تہ فاعلی حالت چھہ کُنہ کمی
 بیشی روس خود <زندگی> بنان۔ یہ چھہ سو صورت یوس عام
 املانی ورتاوس منز چھہ، بلکہ عام بول چالس منز تہ ورتاوانہ
 یوان چھہ۔

گرامر تہ صوتیاتی وچھن کونہ کنز چھہ دو شوقے شکلہ ممکن، مگر
 وچھن چھہ یہ / ورتاوس (usage) منز کیا چھہ؟ زبان چھہ
 نہ منز وکاتن ہنز تجدید۔ اگر کانہہ صوتی فارم مشراونہ یوان
 چھہ تھہ چھہ کانہہ ننتہ کانہہ وجہ آسان۔ <زندگی ہند، بدل
 > زندگی ہند، ورتاوا عام آسنس تہ چھہ کینہہ وجہ یم یتھہ پاٹھی
 بیان کروکھ:

اکھ وجہ چھہ کاشر زبانی ہندسہ رجحان یمیک ذکر بہ بار بار کاشر
 عروض کہ تعلقہ کران چھس۔ کاشرس منز چھہ لفظن پتہ

کنیک ژھوٹ مصوتہ تیوت بلکہ زیہ چھہ یا تہ تشدید ننتہ تاریہ
 منز موثران۔ یعنی زندگی / زندگی + ای / لفظ / ای / آواز چھہ تیز
 سوتان زیہ چھہ تقریباً راوان۔ یہ آواز چھہ ای صرف پنس
 ذہنس منز تصوراتی طور یوزان۔ امیک چھہ صرف تصور۔ یہ
 چھہ اکھ وجہ / زندگی ہند، بدلہ کیا چھہ <زندگی ہند، ورتاوس
 قبول عام۔ بیاکھ وجہ چھہ کاشر زبانی ہندس یتھلی ساغس
 سیدز تعلق تھواوان۔ کاشر زبانی ہندین لفظن ہنز غالب یتھلی
 ساخت چھہ اکھ یتھلی، زہ یتھلی یا تریہ یتھلی۔ <زندگی> لفظ یتھلی
 تعداد چھہ تریہ / زن۔ د۔ گی / ییلہ زن <زندگی> لفظ یتھلی
 تعداد چھہ ژور / زن۔ د۔ گ۔ یہ /۔ لفظن منز ژور یتھلی آ۔ ن
 چھہ نہ کاشر زبانی ہنز بنیادی خصوصیت۔ لہذا باقی زبانو
 یتھہ لفظ آنتھ تمن صرفی عملہ کنز یتھلی تعداد ہران چھہ، کاشر
 زبان چھہ اگر ممکن سپد تم کم کرنہ چہ و تہ کڈان۔ چونکہ گرامر
 تہ صوتیاتی وچھن کونہ کنز چھہ <زندگی ہند، تہ > <زندگی ہند>
 دو شوقے شکلہ ممکن، سانہ زبانی ہنز یتھلی تعداد چہ تریح کنز سپز
 گوڈنچ صورت عام۔ یعنی <زندگی ہند> صرفی شکل چھہ اسہ
 زیادہ لسانی آسایش فراہم کران۔

کاشرس منز چھہ ژور یتھلی والی سیٹھاکم لفظ۔ یم چھہ تم چھہ
 دویم یوزبانو یتھہ آمتز۔

مثلا صوتیاتی / صو۔ ت۔ یا۔ تی / یا

خصوصیت / رخ۔ صو۔ ص۔ یت /

اسی چھہ اکثر یتھین لفظن ترین یتھلین منز موثر اونچ کوش

کران۔ / صوت۔ ت۔ یا۔ تی / چھ / صوت۔ یا۔ تی / بنان
تہ تھے پاٹھی چھ / خ۔ صو۔ ص۔ یت / تہ ترین تہجلین منز
موثران / خ۔ صو۔ یت /

تہ تہ تھے چھ اسہ یتھی ہوی لفظ ژون تہجلین منز قبول کری متری
تکلیاز یمین ہندس تلفظس منز چھ نہ (ہشیری آوازہ متصل نہ آسنہ
کزی) چھورک سہ مخصوص صورت حال پیش یوان یس مثلاً
'زندگیہ'، 'شہگیہ'، 'فراوانیہ' لفظن منز یوان چھ۔

آخرس پیٹھ کرہ بہ زندگی / زندگیہ؛ شاعری / شاعریہ ہون لفظن
ہند ورتاواک اگھ مختصر مطالعہ پیش۔ یہ مطالعہ چھ انمار 2004
غزلک فن شمارس تام محدود۔ اتھ شمارس منز چھ 12 ہن
ادبین ہندی مضمون شامل تہ اہم کتھ چھیہ یہ زاچ کتھ کتابت
چھیہ اکی کاتبین معراج ترکوی ین کر مرث۔ لہذا یمین لفظن ہنزن
الملائی شکلن ہنز تفاوت چھ ہاوان زیہ فرق چھیہ خود مقالہ
نگارن ہنز۔

12 ہوا دیو منزہ چھ صرف 2 ادیب پنننن مقالن منز (شاعری
ہند، بدلہ 'شاعریہ ہند' ہشہ شکلہ ورتاوان۔ یمین ہندی ناو چھ
رحمن راہی تہ شفیع شوق۔ یمین دون ادبین ہندین تحریرن
منزیہ ہش آسن چھ نہ کانہہ تعجب تکلیاز یم چھ کاشرس
ڈپارٹمنٹس منز یکجا رودی متری تہ یو چھ اگھ اکس پیٹھ سیٹھا اثر
تروومت۔ دلچپ کتھ چھیہ ز شفیع شوق سند برادر ناجی منور
چھ نہ یمین لفظن ہنز الملائی تہ صرفی شکلہ متعلق پننس باے
سنزیریوی کران۔ سہ تہ چھ 'زندگی ہند' لیکھان۔ سوال چھ

یہ زمین لفظن ہنزہ 'زندگیہ ہند' ہشہ شکلہ لیکھنہ کمی چھیہ
شروع کر مرثہ؟ راہی ین کنہ شوق؟ اتھ سوالس ہیکن تہ
جواب دتھ، مگر انمار کہ امہ شمارہ تلہ چھیہ اگھ کتھ نئی نیران ز بیہ
راہی پنننن دون مقالن منز یکمان طور تسلسل سان خود
مستیہ ہند، 'ہونز مندی یہ ہند' ہشہ شکلہ ورتاوان چھ، شوق چھ
پنننن دو شونی شامل مضمون منزاتی یم لفظ اگھ طریقہ لیکھان
تہ اتی بیہ طریقہ۔ تسننن لیکھن منز چھ نہ یمین لفظن ہندس
الملاہس متعلق کانہہ ہشہ۔ یہ کتھ شک چھ گرہان ز یم لفظ ما
چھ راہی یننہ امہ طریقہ لیکھن شروع کری متری۔ مگر بیاری چھ
رتن لال شانت تہ پنننن لیکھن منز راہی سندی پاٹھی 'زندگیہ
ہند'، 'خود مستیہ' ہشہ شکلہ تسلسل سان لیکھان۔ بہر حال،
یمین لفظن ہندیہ الملاہی تہ شروع کوا، یہ چھ محدود تہ میانہ
یہ تجزیہ مطابق چھیہ 'زندگی ہند' صرفی شکل سانہ خاطرہ زیادہ
صوتی تہ الملائی آسایش فراہم کران۔

اتھ الملائی شکلہ پتہ کنہ چھ گرامرک یہ اصول ز یمین لفظن
منز چھیہ نہ حالت اضافی تہ حالت فاعلی خاطرہ کانہہ تبدیلی
یوان یم زیتھس راہی / مصوتس پیٹھ اندواتان چھ۔ انشالہ
دبارہ کرہ بہ کاشر زبانی ہندس تھہ رجحانس پیٹھ کتھ یس امہ زبانی
ہند صوتیات تہ گرامر آسان تہ سادہ بناونک اگھ غیر شعوری
جاری عمل چھ۔ یہ تبدیلی چھیہ سانین اچھن برومنہ کنہ واقع
سپدان۔